



ლანჩხუთის მუნიციპალიტეტის საკრებულოს სხდომის

ოქმი N1

ქ. ლანჩხუთი

24. 01. 2020 წელი

საკრებულოს სხდომას ესწრებოდნენ: ლანჩხუთის მუნიციპალიტეტის საკრებულოს თავმჯდომარე ბესიკ ტაბიძე, მუნიციპალიტეტის საკრებულოს თავმჯდომარის მოადგილე ვლადიმერ ნანაძე, საკრებულოს იურიდიულ საკითხთა და ეთიკის კომისიის თავმჯდომარე ვერიკო კვიციანი, მუნიციპალიტეტის საკრებულოს სოციალურ საკითხთა, განათლების, კულტურისა და ახალგაზრდულ საქმეთა კომისიის თავმჯდომარე ემზარ თევდორაძე, საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის თავმჯდომარე გიორგი ჩახვაძე, საკრებულოს სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარე გიორგი გვარჯალაძე, საკრებულოს საფინანსო-საბიუჯეტო კომისიის თავმჯდომარე ალექსანდრე მახათაძე, ფრაქცია „ქართული ოცნება -მრეწველები“-ს თავმჯდომარე სპარტაკ კვაჭაძე, საკრებულოს ფრაქცია „ქართული ოცნება-დემოკრატიული საქართველო“-ს თავმჯდომარე ბესიკ კუპრაძე, საკრებულოს ფრაქცია „ქართული ოცნება-მწვანეები“-ს თავმჯდომარე ზაზა წულაძე, საკრებულოს ფრაქცია „ძალა ერთობაშია“-ს თავმჯდომარე კახაბერ ასკურავა, საკრებულოს წევრები (სარეგისტრაციო ფურცელი თან ერთვის), საკრებულოს აპარატის პირველი რანგის პირველადი სტრუქტურული ერთეულის ხელმძღვანელი (აპარატის უფროსი) ნინო ძიმიგური, საკრებულოს აპარატის მეორე რანგის მეორადი სტრუქტურული ერთეულის ხელმძღვანელი ნანა ბუცკალავა, საკრებულოს აპარატის მესამე რანგის პირველი კატეგორიის უფროსი სპეციალისტი მარიამ კუპრაძე, საკრებულოს აპარატის მესამე რანგის პირველი კატეგორიის უფროსი სპეციალისტის მოვალეობის შემსრულებელი იურიდიულ საკითხებში რუსუდან გვარჯალაძე, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში მაია კუპატაძე.

მოწვეული სტუმრები: მუნიციპალიტეტის მერის მოვალეობის შემსრულებელი ბიძინა იმნაიშვილი, მერიის ეკონომიკისა და ქონების მართვის სამსახურის უფროსი გიორგი

ნაჭყებია, მერიის სოციალური და ჯანდაცვის სამსახურის უფროსი თამარ ფირცხალაიშვილი, მერიის განათლების, კულტურის, სპორტისა და ახალგაზრდულ საქმეთა სამსახურის უფროსი ია ჩხაიძე, მერიის ადმინისტრაციული და შესყიდვების სამსახურის მეორე რანგის მეორადი სტრუქტურული ერთეულის უფროსი (ადამიანური რესურსების მართვის განყოფილების უფროსი) ელიკო იმნაძე, მერიის საფინანსო-საბიუჯეტო სამსახურის უფროსი როლანდ ლაშხია, მერიის სივრცითი მოწყობისა და ინფრასტრუქტურის სამსახურის უფროსი ლევან ჩხაიძე, მედიის წარმომადგენლები.

საკრებულოს თავმჯდომარემ **ბესიკ ტაბიძემ** სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის 2020 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების დამტკიცების თაობაზე.

/მომხსენებელი თამარ ფირცხალაიშვილი/

2. „ლანჩხუთის მუნიციპალიტეტის 2020 წლის სოციალური პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი თამარ ფირცხალაიშვილი/

3. ლანჩხუთის მუნიციპალიტეტის 2019 წლის სოციალურ-კულტურული ღონისძიებების - განათლების ხელშეწყობის, კულტურის ღონისძიებების, სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 30 იანვრის N2 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების დამტკიცების თაობაზე.

/მომხსენებელი ია ჩხაიძე/

4. ლანჩხუთის მუნიციპალიტეტის 2020 წლის ბიუჯეტით განსაზღვრული - განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამების დამტკიცების შესახებ” ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი ია ჩხაიძე/

5. ლანჩხუთის მუნიციპალიტეტის სარგებლობაში არსებული მოძრავი ქონების, ა(ა)იპ „ლანჩხუთის მუნიციპალიტეტის საზოგადოებრივი ჯანდაცვის ცენტრი“-სთვის, პირდაპირი განკარგვის წესით, უსასყიდლოდ, სარგებლობის უფლებით გადაცემაზე მერისათვის

თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი გიორგი ნაჭყებია/

6. „ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 28 მარტის N18 განკარგულებაში ცვლილების შეტანის თაობაზე” ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი გიორგი ნაჭყებია/

7. ლანჩხუთის მუნიციპალიტეტის საკუთრებაში არსებული უძრავი ქონების, სსიპ „ვეტერანების საქმეთა სახელმწიფო სამსახური“-სთვის პირდაპირი განკარგვის წესით, სარგებლობის უფლებით, უსასყიდლოდ გადაცემაზე მერისათვის თანხმობის მიცემის შესახებ” ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი გიორგი ნაჭყებია/

8. ლანჩხუთის მუნიციპალიტეტის საკუთრებაში არსებული მოძრავი ქონების, სსიპ იუსტიციის სახლისთვის, პირდაპირი განკარგვის წესით, უსასყიდლოდ, უვადოდ სარგებლობის უფლებით გადაცემაზე მერისათვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი გიორგი ნაჭყებია/

9. „ლანჩხუთის მუნიციპალიტეტის საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის შექმნის და კომისიის შემადგენლობის დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 24 ნოემბრის N97 განკარგულებაში ცვლილების შეტანის თაობაზე” ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი ვერიკო კვიციანი/

10. „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის №5 დადგენილებაში ცვლილების შეტანის თაობაზე“ ლანჩხუთის

მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი ვერიკო კვიციანი/

11. „ლანჩხუთის მუნიციპალიტეტის მერიის თანამდებობის პირთა და სხვა მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 25 დეკემბრის N38 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი ელიკო იმნაძე/

12. „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი გიორგი ნაჭყებია/

13. „ლანჩხუთის მუნიციპალიტეტის ტერიტორიაზე არსებული სახელმწიფო და ლანჩხუთის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი გიორგი ნაჭყებია/

14. „ლანჩხუთის მუნიციპალიტეტის 2020 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 23 დეკემბრის N19 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი როლანდ ლაშხია/

15. სხვადასხვა საკითხები.

საკრებულოს თავმჯდომარემ ბესიკ ტაბიძემ კენჭი უყარა დღის წესრიგის პროექტს:

კენჭისყრას ესწრებოდა საკრებულოს 26 წევრი.

მომხრე საკრებულოს 26 წევრი, წინააღმდეგი არცერთი.

საკრებულოს ფრაქცია „ძალა ერთობაშია“-ს თავმჯდომარემ **კახაბერ ასკურავამ** მოითხოვა საკრებულოს სხდომას დასწრებოდა მუნიციპალიტეტის მერი ალექსანდრე სარიშვილი, მერიის სივრცითი მოწყობისა და ინფრასტრუქტურის სამსახურის უფროსი ლევან ჩხაიძე და მერიის ზედამხედველობის სამსახურის უფროსი თენგიზ ხელაძე, რადგან მის მიერ დასმულ შეკითხვებზე პასუხი უნდა მიიღოს უშუალოდ ადრესატებისგან და არა მათი თანაშემწეებისა ან თანამშრომლებისგან.

საკრებულოს თავმჯდომარემ **ბესიკ ტაბიძემ** განმარტა, რომ მუნიციპალიტეტის მერი ალექსანდრე სარიშვილი თბილისში იმყოფება მივლინებით, ზედამხედველობის სამსახურის უფროსი თენგიზ ხელაძე იმყოფება შეხვედრაზე, სივრცითი მოწყობისა და ინფრასტრუქტურის სამსახურის უფროსი ლევან ჩხაიძე კი სხდომას ესწრება.

დღის წესრიგის პირველი საკითხი: „ლანჩხუთის მუნიციპალიტეტის 2020 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო მერიის სოციალური და ჯანდაცვის სამსახურის უფროსმა **თამარ ფირცხალაიშვილმა**. მისი განმარტებით, ლანჩხუთის მუნიციპალიტეტის 2020 წლის ბიუჯეტიდან სოციალური დახმარების გაცემისა და მიღების წესი აწესრიგებს ლანჩხუთის მუნიციპალიტეტის 2020 წლის ბიუჯეტიდან „სოციალური დაცვის“ მუხლში გათვალისწინებული სოციალური დახმარებების დანიშვნასთან და გაცემასთან დაკავშირებულ ურთიერთობებს, განსაზღვრავს სოციალური დახმარებების დანიშვნასა და გაცემაზე უფლებამოსილ სტრუქტურულ ერთეულს, ადგენს სოციალური დახმარების სახეებს, მათი დანიშვნისა და გაცემის ძირითად სახელმძღვანელო პრინციპებს.

მუხლი 1. ფულადი სოციალური დახმარების სახეები ლანჩხუთის მუნიციპალიტეტის ბიუჯეტიდან გაცემას ექვემდებარება შემდეგი ფულადი სოციალური დახმარებები:

ა) მზრუნველობამოკლებულთა უფასო კვებით უზრუნველყოფის პროგრამა; (პროგრამის კოდი 06 02 06);

ბ) მრავალშვილიანი ოჯახების დახმარების პროგრამა; (პროგრამის კოდი 06 02 02)

გ) მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა; (პროგრამის კოდი 06 02 09)

დ) ომის მონაწილე ვეტერანებისა და მათი ოჯახების დახმარების პროგრამა; (პროგრამის კოდი 06 02 08)

ე) მოსწავლეთა ტრანსპორტირების პროგრამა; (პროგრამის კოდი 06 02 05)

ვ) ცენტრ „იანვანა“ -ს თანადაფინანსების პროგრამა; (პროგრამის კოდი 06 02 04)

ზ) ბიკარბონატული ჰემოდიალეზით-თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების პროგრამა; (პროგრამის კოდი 06 02 01)

თ) იძულებით გადაადგილებულ პირთა დახმარების პროგრამა; (პროგრამის კოდი 06 02 07)

ი) სამკურნალო და საოპერაციო ხარჯებით დახმარების პროგრამა; (პროგრამის კოდი 06 02 03)

კ) მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარების პროგრამა; (პროგრამის კოდი 06 02 12)

ლ) ლანჩხუთის რეგიონალური ორგანიზაციის „გამარჯვებულ ქალთა კლუბი“-ს სარეაბილიტაციო პროგრამა ძუძუს კიბოს დიაგნოზით ნაოპერაციები ქალებისათვის; (პროგრამის კოდი 06 02 10)

მ) ხანდაზმულ (100 და მეტი წლის ასაკის) პირთა დახმარების პროგრამა; (პროგრამის კოდი 06 02 11)

ნ) უპატრონო მიცვალებულთა სარიტუალო მომსახურების პროგრამა; (პროგრამის კოდი 06 02 13)

ო) ერთჯერადი სოციალური (ფულადი) დახმარების პროგრამა; (პროგრამის კოდი 06 02 14)

პ) მედიკამენტების შეძენაზე დახმარების პროგრამა; (პროგრამის კოდი 06 02 15)

ჟ) შშმ პირის სტატუსის მქონე ბენეფიციართა სარეაბილიტაციო კურსის დაფინანსების პროგრამა; (პროგრამის კოდი 06 02 16)

რ) ბავშვთა ადრეული განვითარების ხელშეწყობისა და ბავშვთა რეაბილიტაცია/აბილიტაციის ქვეპროგრამით მოსარგებლე შშმ ბავშვების და მათი თანმხლები პირების ტრანსპორტირების დაფინანსების პროგრამა; (პროგრამის კოდი 06 02 17)

მუხლი 2. სოციალური დახმარების დანიშვნისა და გაცემის ორგანიზებაზე პასუხისმგებელი უწყება:

ლანჩხუთის მუნიციპალიტეტის მოსახლეობის სოციალური დაცვის ღონისძიებათა მუნიციპალური პროგრამით გათვალისწინებული სოციალური დახმარების დანიშვნისა და გაცემის ორგანიზებას უზრუნველყოფს ლანჩხუთის მუნიციპალიტეტის მერიის სოციალური და ჯანდაცვის სამსახური (შემდგომში – სამსახური).

მუხლი 3. ბენეფიციარის მიერ სოციალური დახმარების დასანიშნად ან მისაღებად საჭირო დოკუმენტაციის წარდგენა:

1. სოციალური დახმარების დასანიშნად ან მისაღებად დაინტერესებული პირი წერილობითი განცხადებით მიმართავს და შესაბამის დოკუმენტაციას წარუდგენს ლანჩხუთის მუნიციპალიტეტის მერს, რომელიც იღებს გადაწყვეტილებას დახმარების დანიშვნის ან მიღების თაობაზე მარტივი ადმინისტრაციული წარმოების დაწყების შესახებ.

2. მერიაში შემოსული ყველა განცხადება თანდართული დოკუმენტაციით შესასწავლად ეგზავნება შესაბამის სამსახურს.

3. მერიის შესაბამისი სამსახური უზრუნველყოფს სოციალური დახმარების მიღების თაობაზე საკითხის განსახილველად მომზადებასა და გადაწყვეტილების მისაღებად საჭირო სხვა პროცედურების განხორციელებას.

4. მაღალმთიან სოფლებში მცხოვრებ მოსწავლეთა ტრანსპორტით მომსახურების პროგრამის ფარგლებში, ა(ა)იპ ლანჩხუთის წმინდა იოანე ნათლისმცემლის სახელობის სასულიერო გიმნაზიის მიერ მოწოდებული ინფორმაციის საფუძველზე. პროგრამის განხორციელების აუცილებლობას შეისწავლის მერიის შესაბამისი სამსახური და დასკვნას წარუდგენს მუნიციპალიტეტის მერს.

მუხლი 4. ბენეფიციარის მიერ სოციალური დახმარების დასანიშნად ან მისაღებად წარმოსადგენი დოკუმენტაციის ნუსხა.

კონკრეტული სოციალური პროგრამიდან დახმარების დასანიშნად ან მისაღებად დაინტერესებულმა პირმა განცხადებას უნდა დაურთოს შემდეგი დოკუმენტაცია:

ა) მზრუნველობამოკლებულთა უფასო კვებით უზრუნველყოფის პროგრამა – განცხადება, პირადობის მოწმობის ან პასპორტის ასლი, სამოქალაქო რეესტრის სააგენტოდან საინფორმაციო ბარათი, ცნობა სოციალური სააგენტოდან, რომ არის სოციალურად დაუცველი და შეზღუდული შესაძლებლობების მქონე.

ბ) მრავალშვილიანი ოჯახების დახმარების პროგრამა – განცხადება, მშობლების პირადობის მოწმობის ან პასპორტის ასლი, სამოქალაქო რეესტრის სააგენტოდან საინფორმაციო ბარათი, ბავშვების დაბადების მოწმობების ასლები, მშობლების ქორწინების მოწმობის ასლი, ერთ-ერთი მშობლის საბანკო ანგარიში და სოციალური სააგენტოდან სარეიტინგო ქულის ამონაწერი ან ცნობა, რომ ოჯახი არ არის დარეგისტრირებული სოციალურად დაუცველთა ერთიან ბაზაში.

გ) მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა - განცხადება, ცნობა, რომ ბენეფიციარს არ აქვს საცხოვრებელი ფართი, სივრცითი მოწყობისა და ინფრასტრუქტურის სამსახურის დასკვნა სახლის მდგომარეობის შესახებ, განმცხადებლის და საცხოვრებელი ფართის მეპატრონის პირადობის მოწმობის ან პასპორტის ასლი, განმცხადებლის სამოქალაქო რეესტრის სააგენტოდან საინფორმაციო ბარათი, ფართის მეპატრონის ამონაწერი საჯარო რეესტრიდან, ბენეფიციარსა და საცხოვრებელი ფართის მეპატრონეს შორის გაფორმებული ქირავნობის ხელშეკრულება და საცხოვრებელი ფართის მეპატრონის ბანკის ანგარიში.

დ) ომის მონაწილე ვეტერანებისა და მათი ოჯახების დახმარების პროგრამა- განცხადება, პირადობის მოწმობის ან პასპორტის ასლი, სამოქალაქო რეესტრის სააგენტოდან საინფორმაციო ბარათი, ცნობა სოციალური სააგენტოდან სარეიტინგო ქულის შესახებ, ვეტერანობის დამადასტურებელი მოწმობის ასლი, გარდაცვალების მოწმობის ასლი, საბანკო ანგარიში.

ე) მოსწავლეთა ტრანსპორტირების პროგრამა-მუნიციპალიტეტის მერსა და ა(ა)იპ ლანჩხუთის წმინდა იოანე ნათლისმცემლის სახელობის სასულიერო გიმნაზიის პრორექტორს შორის გაფორმებული შეთანხმების აქტი; პრორექტორის მიერ თანხის ყოველთვიური მოთხოვნა.

ვ) ცენტრ „იანვანა“-ს თანადაფინანსების პროგრამა-კომუნალური ხარჯების, ჰიგიენისა და ყოველდღიური მოხმარების საგნების თანხის კალკულაციის წარმოდგენა;

ზ) ბიკარბონატული ჰემოდიალიზით-თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების პროგრამა - განცხადება, ცნობა ჯანმრთელობის მდგომარეობის შესახებ ფორმა N100, ბენეფიციარის ან ოჯახის წევრის საბანკო ანგარიში და პირადობის მოწმობის ან პასპორტის ასლი, ბენეფიციარის სამოქალაქო რეესტრის სააგენტოდან საინფორმაციო ბარათი.

თ) იძულებით გადაადგილებულ პირთა დახმარების პროგრამა-განცხადება, პირადობის მოწმობის ან პასპორტის ასლი, დევნილის მოწმობის ასლი და საბანკო ანგარიში.

ი) სამკურნალო და საოპერაციო ხარჯებით დახმარების პროგრამა - ბენეფიციარმა ან მისმა ოჯახის წევრმა მუნიციპალიტეტში უნდა წარმოადგინოს: განცხადება; სამკურნალო დაწესებულების ანგარიშ-ფაქტურა და კალკულაცია; განმცხადებლის (პაციენტის) პირადობის მოწმობის ასლი (სამოქალაქო რეესტრის სააგენტოდან საინფორმაციო ბარათი); ცნობა სოციალური მომსახურების სააგენტოდან სარეიტინგო ქულის შესახებ(პროგრამით ისარგებლებენ 0-დან 150000 სარეიტინგო ქულის მქონე ბენეფიციარები); ცნობა ჯანმრთელობის მდგომარეობის შესახებ (ფორმა 100, დედანი); ცნობა დაზღვევის ფარგლებში დაფინანსების ოდენობის ან დაფინანსებაზე უარის თქმის შესახებ; ანაზღაურება მოხდება უნაღლო ანგარიშსწორების ფორმით, სამედიცინო დაწესებულების შესაბამის ანგარიშზე, გაწეული სამედიცინო მომსახურების დამადასტურებელი დოკუმენტის წარმოდგენის შემდეგ.

შენიშვნა: ისეთ განსაკუთრებულ შემთხვევებში, როგორცაა სასწრაფო (გადაუდებელი) სამედიცინო ოპერაციების, სასწრაფო (გადაუდებელი) ქიმიოთერაპიის თანადაფინანსება, უნაღდო ანგარიშსწორებით (ინვოისით წარმოდგენილი ასანაზღაურებელი თანხა არაუმეტეს 400 ლარისა) - რომელიც არ ჯდება მერის თანადაფინანსების პროგრამაში, მერის ინდივიდუალური ადმინისტრაციული სამართლებრივი აქტით შესაძლებელია განხორციელდეს სარეიტინგო ქულის წარმოდგენის გარეშე, ადმინისტრაციულ ერთეულში მერის წარმომადგენლისა და საკრებულოს წევრის შუამდგომლობის საფუძველზე.

კ) მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის დახმარების პროგრამა -განცხადება, ბენეფიციარის ან ოჯახის წევრის საბანკო ანგარიში, პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), სივრცითი მოწყობისა და ინფრასტრუქტურის სამსახურის დასკვნა სახლის მდგომარეობის შესახებ, შესაბამის ადმინისტრაციულ ერთეულში მერის წარმომადგენლისა და მაჟორიტარი დეპუტატის(საკრებულოს წევრის) შუამდგომლობა; „სოციალურად დაუცველი ოჯახების მონაცემთა ერთიან ბაზაში“ ოჯახისათვის მინიჭებული სარეიტინგო ქულის ამონაწერი; სსიპ „სოციალური მომსახურების სააგენტო“-ს მიერ გაცემული შესაბამისი მიმართვა (ასლი) ან ცნობა; ბენეფიციარის საბანკო ანგარიში. გადაწყვეტილება მიიღება მერის ინდივიდუალური ადმინისტრაციულ-სამართლებრივი აქტის ბრძანების საფუძველზე კომისიის წინადადების გათვალისწინებით.

ლ) ლანჩხუთის რეგიონალური ორგანიზაციის „გამარჯვებულ ქალთა კლუბი“-ს სარეაბილიტაციო პროგრამა ძუძუს კიბოს დიაგნოზით ნაოპერაციები ქალებისათვის- ორგანიზაციის მიერ წარმოდგენილ პროგრამებზე გახარჯული თანხის კალკულაციის წარმოდგენა და საბანკო ანგარიში.

მ) ხანდაზმულ (100 და მეტი წლის ასაკის) პირთა დახმარების პროგრამა-განცხადება, პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), ბენეფიციარის საბანკო ანგარიში.

ნ) უპატრონო მიცვალებულთა სარიტუალო მომსახურების პროგრამა-განცხადება, მერის წარმომადგენლისა და მაჟორიტარი დეპუტატის(საკრებულოს წევრის) შუამდგომლობა; გარდაცვალების მოწმობის ასლი, საბანკო ანგარიში.

ო) ერთჯერადი სოციალური (ფულადი) დახმარების პროგრამა- განცხადება, განმცხადებლის (ბენეფიციარის) პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), ბენეფიციარის საბანკო ანგარიში, შესაბამის ადმინისტრაციულ ერთეულში მერის წარმომადგენლისა და მაჟორიტარი დეპუტატის(საკრებულოს წევრის) შუამდგომლობა; სსიპ „სოციალური მომსახურების სააგენტო“-ს მიერ გაცემული შესაბამისი მიმართვა ან დასკვნა. მარტოხელა მშობლის სტატუსის დამადასტურებელი დოკუმენტი. გადაწყვეტილება მიიღება მერის ინდივიდუალური ადმინისტრაციულ-სამართლებრივი აქტის ბრძანების საფუძველზე კომისიის წინადადების გათვალისწინებით. ამავე პროგრამის 0-18 წლამდე დედ-მამით ობოლი ბავშვების და შშმ ბავშვების, რომელიც არის ობოლი (მარჩენალდაკარგული) ქვეპროგრამით სარგებლობისას- ბავშვის კანონიერი წარმომადგენლის განცხადება, განმცხადებლის (ბენეფიციარის) პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), ბავშვის დაბადების მოწმობის ასლი, სსიპ „სოციალური მომსახურების სააგენტო“-ს მიერ გაცემული შესაბამისი მიმართვა ან ცნობა. ბავშვის უფლებამოსილი წარმომადგენლის საბანკო ანგარიში, თანხა ჩაირიცხება ბენეფიციარის უფლებამოსილი წარმომადგენლის საბანკო ანგარიშზე.

პ) მედიკამენტების შეძენაზე დახმარების პროგრამა-განცხადება, განმცხადებლის (ბენეფიციარის) პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), ცნობა სამედიცინო დაწესებულებიდან (ფორმა №

IV-100/ა); სამედიცინო დაწესებულების/ავთიაქის მიერ სამედიცინო მომსახურების შესახებ გაცემული ანგარიშ-ფაქტურა; ცნობა სარეიტინგო ქულის შესახებ. (ომის ვეტერანები თავისუფლდებიან სარეიტინგო ქულის წარმოდგენისაგან) თანხა ჩაირიცხება შესაბამისი სამედიცინო დაწესებულების/ავთიაქის საბანკო ანგარიშზე, წარმოდგენილი ანგარიშ-ფაქტურის შესაბამისად. მუნიციპალიტეტის მერის ინდივიდუალური ადმინისტრაციულ-სამართლებრივი აქტის (ბრძანების) საფუძველზე. პროგრამით ისარგებლებენ ის ოჯახები, რომელთა სარეიტინგო ქულა 65001-დან არ აღემატება 150000-ს.

ჟ) შშმ პირის სტატუსის მქონე ბენეფიციართა სარეაბილიტაციო კურსის დაფინანსების პროგრამა-განმცხადებლის (ბენეფიციარის) პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), ცნობა სამედიცინო დაწესებულებიდან (ფორმა № IV-100/ა) სამკურნალო დაწესებულების ანგარიშ-ფაქტურა. თანხა ჩაირიცხება შესაბამისი სამედიცინო დაწესებულების საბანკო ანგარიშზე, წარმოდგენილი ანგარიშ-ფაქტურის შესაბამისად. მუნიციპალიტეტის მერის ინდივიდუალური ადმინისტრაციულ-სამართლებრივი აქტის (ბრძანების) საფუძველზე.

რ) ბავშვთა ადრეული განვითარების ხელშეწყობისა და ბავშვთა რეაბილიტაცია/აბილიტაციის ქვეპროგრამით მოსარგებლე შშმ ბავშვების და მათი თანმხლები პირების ტრანსპორტირების დაფინანსების პროგრამა- ბავშვთა ადრეული განვითარების ხელშეწყობის პროგრამის შემთხვევაში პირის კანონიერი წარმომადგენლის/მინდობით აღმზრდელის პირადობის დამადასტურებელი დოკუმენტის (საქართველოს მოქალაქის პირადობის მოწმობა ან პასპორტი) ასლი; კანონიერი წარმომადგენლობის შემთხვევაში – დამადასტურებელი საბუთი და მისი ასლი, მინდობით აღმზრდელის შემთხვევაში – მინდობით აღზრდის ხელშეკრულების ასლი; ბავშვის დაბადების მოწმობის ასლი (სამოქალაქო რეესტრის სააგენტოდან საინფორმაციო ბარათი), ბავშვის ჯანმრთელობის მდგომარეობის შესახებ ფორმა N100, სსიპ „სოციალური მომსახურების სააგენტო“-ს მიერ გაცემული შესაბამისი მიმართვა. მომსახურების მომწოდებელი ორგანიზაციის მიმართვა ან ცნობა თვის განმავლობაში ბენეფიციარზე გაწეული მომსახურების რაოდენობის შესახებ, რომლის შესაბამისად მოხდება მომსახურების მომწოდებელი ორგანიზაციისთვის და ბავშვებისთვის ტრანსპორტირების ხარჯის ანაზღაურება. ბავშვის უფლებამოსილი წარმომადგენლის საბანკო ანგარიში.

ბავშვთა რეაბილიტაცია/აბილიტაციის ქვეპროგრამით მოსარგებლე შშმ ბავშვების და მათი თანმხლები პირების ტრანსპორტირების დაფინანსების შემთხვევაში-პირის კანონიერი წარმომადგენლის/მინდობით აღმზრდელის პირადობის დამადასტურებელი დოკუმენტის (საქართველოს მოქალაქის პირადობის მოწმობა ან პასპორტი) ასლი; კანონიერი წარმომადგენლობის შემთხვევაში – დამადასტურებელი საბუთი და მისი ასლი, მინდობით აღმზრდელის შემთხვევაში – მინდობით აღზრდის ხელშეკრულების ასლი; ბავშვის დაბადების მოწმობის ასლი (სამოქალაქო რეესტრის სააგენტოდან საინფორმაციო ბარათი), ბავშვის ჯანმრთელობის მდგომარეობის შესახებ ფორმა N100. ბავშვის უფლებამოსილი წარმომადგენლის საბანკო ანგარიში, სსიპ „სოციალური მომსახურების სააგენტო“-ს მიერ გაცემული შესაბამისი მიმართვა. მომსახურების მომწოდებელი ორგანიზაციის მიმართვა თვის განმავლობაში ბენეფიციარზე გაწეული მომსახურების რაოდენობის შესახებ, რომლის შესაბამისად მოხდება შშმ ბავშვების და მათი თანმხლები პირების ტრანსპორტირების ხარჯის ანაზღაურება. თანხა ჩაირიცხება ბენეფიციარის უფლებამოსილი წარმომადგენლის საბანკო ანგარიშზე.

მუხლი 5. განცხადებების განხილვა:

1. მუნიციპალიტეტის მერიაში შემოსულ განცხადებებს განიხილავს ლანჩხუთის მუნიციპალიტეტის მერიის სოციალური და ჯანდაცვის სამსახური და საკითხის დადებითად გადაწყვეტის შემთხვევაში სამსახურის მიერ მომზადებული ბრძანების

პროექტის საფუძველზე მუნიციპალიტეტის მერის ინდივიდუალური ადმინისტრაციულ-სამართლებრივი აქტით (ბრძანებით) გაიცემა სოციალური დახმარებები.

2. დადგენილებით დამტკიცებული წესის მე-4 მუხლის „კ“ და „ო“ ქვეპუნქტებით გათვალისწინებული პროგრამებიდან დახმარებების გაცემის მიზნით მუნიციპალიტეტის მერის მიერ მერის ინდივიდუალური სამართლებრივი აქტის ბრძანების საფუძველზე იქმნება კომისია, რომლის შემადგენლობაში შედის: ლანჩხუთის მუნიციპალიტეტის მერი, ლანჩხუთის მუნიციპალიტეტის მერის მოადგილე, მერიის სოციალური და ჯანდაცვის სამსახურის უფროსი, მერიის შიდა აუდიტისა და ინსპექტირების სამსახურის უფროსი, მერიის იურიდიული სამსახურის მთავარი სპეციალისტი, მერიის სოციალური და ჯანდაცვის სამსახურის მთავარი სპეციალისტი, მერიის სივრცითი მოწყობისა და ინფრასტრუქტურის სამსახურის სპეციალისტი და საკრებულოდან მოწვევით-ლანჩხუთის მუნიციპალიტეტის საკრებულოს წევრი.

კომისიის გადაწყვეტილება ფორმდება ოქმის სახით და არის სარეკომენდაციო ხასიათის. კომისია უფლებამოსილია შეიკრიბოს თვეში ერთხელ მაინც. კომისიის ოქმის გათვალისწინებით მუნიციპალიტეტის მერის ინდივიდუალური ადმინისტრაციულ-სამართლებრივი აქტით (ბრძანებით) გაიცემა სოციალური დახმარებები.

მუხლი 6. სამსახურის მიერ დასკვნის მომზადება:

1. სამსახური სოციალური დახმარების გაცემის საკითხის განხილვისას ხელმძღვანელობს საქართველოს ზოგადი ადმინისტრაციული კოდექსის მე-6 თავით გათვალისწინებული მარტივი ადმინისტრაციული წარმოებით.

2. სამსახური უზრუნველყოფს ყოველთვიური დახმარების მიმღებთა ოჯახებში მომხდარი ცვლილებების სისტემატურ შემოწმებას და ამზადებს დასკვნას ბენეფიციართა საქმეში შესაბამისი შესწორებების შეტანის თაობაზე (დახმარების დანიშვნის გაუქმება, შეწყვეტა, აღდგენა). ცვლილებებში იგულისხმება ბენეფიციართა ახალი ოჯახების გამოვლენა ან გაუქმება, ოჯახის წევრთა მატება-კლება, ბავშვების სრულწლოვანების დადგენა, სტიქიური მოვლენების შედეგად უსახლკაროდ დარჩენილი ოჯახების დროებით თავშესაფრით უზრუნველყოფა და ა.შ.

4. სამსახური, ა(ა)იპ ლანჩხუთის წმინდა იოანე ნათლისმცემლის სახელობის სასულიერო გიმნაზიასთან ერთად სასწავლო წლის დასაწყისში მოიპოვებს ინფორმაციას სკოლის ფინანსური მდგომარეობის თაობაზე და პროგრამის გაგრძელების შესახებ დასკვნას წარუდგენს მუნიციპალიტეტის მერს.

მუხლი 7. სოციალური დახმარების გაცემის შესახებ საბოლოო გადაწყვეტილების მიღება:

1. სოციალური დახმარების გაცემის შესახებ საბოლოო გადაწყვეტილების მიღება ხდება ლანჩხუთის მუნიციპალიტეტის მერის მიერ, რომელიც გამოსცემს შესაბამის ბრძანებას.

2. მერის ბრძანებით განისაზღვრება ბენეფიციართა პერსონალური შემადგენლობა და ინიშნება სოციალური დახმარება.

3. მაღალმთიან სოფლებში მცხოვრებ მოსწავლეთა ტრანსპორტით მომსახურების პროგრამის შემთხვევაში პროგრამის განხორციელების მიზნით ტრანსპორტირების თანხა სკოლას გადაერიცხება ა(ა)იპ ლანჩხუთის წმინდა იოანე ნათლისმცემლის სახელობის სასულიერო გიმნაზიის პრორექტორის მოთხოვნის საფუძველზე.

4. გადაუდებელ შემთხვევაში, როდესაც აუცილებელია წინამდებარე წესის 1-ლი მუხლის „კ“ და „ო“ ქვეპუნქტებით გათვალისწინებული დახმარების გაცემა, როდესაც დაყოვნებამ შეიძლება სავალალო შედეგები გამოიწვიოს, დახმარება შეიძლება გაიცეს სამსახურის დასკვნის გარეშე, ლანჩხუთის მუნიციპალიტეტის მერის ბრძანებით.

მუხლი 8. ფულადი დახმარების გაცემა:

1. სოციალური დახმარების გაცემა ხდება ლანჩხუთის მუნიციპალიტეტის მერის ბრძანების საფუძველზე.

2. მერის ბრძანების ასლი, რომლითაც დამტკიცებულია ბენეფიციართა პერსონალური შემადგენლობა და დანიშნულია სოციალური დახმარება, იგზავნება მერიის საფინანსო-საბიუჯეტო სამსახურში.

3. სოციალური დახმარების გაცემას ახდენს მერიის საფინანსო-საბიუჯეტო სამსახური უნაღლო ანგარიშსწორების გზით.

მერიის სოციალური და ჯანდაცვის სამსახურის უფროსმა ასევე აღნიშნა, რომ სამოქალაქო რეესტრის სააგენტოდან საინფორმაციო ბარათის გამოთხოვნასთან დაკავშირებით გამარტივდა პროცედურები, რადგან მერიის სოციალური და ჯანდაცვის სამსახური გადავიდა მომსახურების ახალ პროგრამაზე, რომლის მეშვეობით აღნიშნული დოკუმენტაციის მოპოვებასთან უკვე უშუალოდ მას აქვს წვდომა. ამასთან, გაიარეს კონსულტაციები და ახალი წლიდან სამსახური გადავა უფრო ახალ პროგრამაზე, რომლის ფარგლებში მოქალაქეებისთვის მაქსიმალურად გამარტივდება ბიუროკრატიული პროცედურების გავლა, რადგან ადგილზე მოხდება ამა თუ იმ დოკუმენტაციის მომზადება და მოპოვება.

მერიის სოციალური და ჯანდაცვის სამსახურის უფროსმა ყურადღება გაამხვილა მედიკამენტების დახმარების პროგრამაზე და აღნიშნა, რომ სახელმწიფოს პროგრამის ფარგლებში დაემატა სხვადასხვა ქრონიკული დაავადებები, რომელთა მედიკამენტების შეძენა მოქალაქეებს შეუძლიათ სიმბოლურ ფასად. ამასთან, ონკოლოგიური და ლეიკემიით დაავადებული ბენეფიციარებისთვის მუნიციპალიტეტის მიერ წლის განმავლობაში მოხდება 300 ლარის ფარგლებში მედიკამენტების შესაძენად დახმარების გაწევა.

საკრებულოს წევრმა **ლელა ჩახვამე** აღნიშნა, რომ სოციალური პროგრამის მუხლში-მედიკამენტებით დახმარება-თანხა 65000 ლარიდან შემცირებულია 15000 ლარამდე. გარდა ამისა, უპოვართა სასადილოს მომსახურება იმ ბენეფიციართათვის, რომელთაც არ შეუძლიათ სასადილოში მისვლა, კვირაში მინიმუმ სამი დღე მაინც უნდა იყოს. მისი თქმით, ამ მოთხოვნების დაუკმაყოფილებლობის გამო, ფრაქცია „ძალა ერთობაშია“ არ დაუჭერს მხარს აღნიშნულ საკითხს.

მერიის სოციალური და ჯანდაცვის სამსახურის უფროსმა **თამარ ფირცხალაიშვილმა** განმარტა, რომ აღნიშნული შენიშვნა ეხება სოციალური პროგრამებს, ამიტომ დღის წესრიგის მეორე საკითხზე გააკეთებს განმარტებას ამასთან დაკავშირებით.

საკრებულოს წევრების მიერ დადგენილების პროექტთან დაკავშირებით სხვა შენიშვნები და წინადადებები არ გამოთქმულა.

საკრებულოს თავმჯდომარე ბესიკ ტაბიძემ კენჭი უყარა დადგენილების პროექტს.

კენჭისყრას ესწრებოდა საკრებულოს 26 წევრი.

მომხრე საკრებულოს 24 წევრი, წინააღმდეგი 2 წევრი (ლელა ჩახვამე, კახაბერ ასკურავა).

მიღებულ იქნა დადგენილება N1 (24.01.2020)

დღის წესრიგის მეორე საკითხი: „ლანჩხუთის მუნიციპალიტეტის 2020 წლის სოციალური პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის სოციალური და ჯანდაცვის სამსახურის უფროსმა **თამარ ფირცხალაიშვილმა**. მან აღნიშნა, რომ

მოქალაქეთა ჯანმრთელობის დაცვა და სოციალური უზრუნველყოფა მუნიციპალიტეტის ერთ-ერთი პრიორიტეტია. წარმოდგენილია ლანჩხუთის მუნიციპალიტეტის 2020 წლის სოციალური პროგრამების პროექტი. ეს პროგრამებია:

1. მზრუნველობამოკლებულთა უფასო კვებით უზრუნველყოფის პროგრამა; პროგრამის ბიუჯეტი განისაზღვრა 90 000 ლარით. მის მიზანს წარმოადგენს ლანჩხუთის მუნიციპალიტეტის ტერიტორიაზე რეგისტრირებული უკიდურესად შეჭირვებული მოხუცებისა და შეზღუდული შესაძლებლობების მქონე პირების დღეში ერთჯერადი კვება. პროგრამა გათვლილია არა უმეტეს 105 ბენეფიციარზე.

2. მრავალშვილიანი ოჯახების დახმარების პროგრამა; პროგრამის ბიუჯეტი განისაზღვრა 36 000 ლარით. პროგრამის მიზანია მრავალშვილიანი ოჯახების ფინანსური ხელშეწყობა, რაც აუმჯობესებს დემოგრაფიულ მდგომარეობას. პროგრამა გათვლილია 23 ოჯახზე.

3. მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა; პროგრამის ბიუჯეტი განისაზღვრა 67000 ლარით. მისი მიზანია ლანჩხუთის მუნიციპალიტეტის ტერიტორიაზე რეგისტრირებული, ხანძრისა და მეწყერისაგან დაზარალებული, ასევე საცხოვრებლად უვარგისი სახლების მქონე ოჯახების დახმარება. ასევე, ძალადობის მსხვერპლ ქალთა თავშესაფრით უზრუნველყოფა. პროგრამის ფარგლებში ბენეფიციარებზე გათვალისწინებულია ბინის ქირის გადახდა. პროგრამით სავარაუდოდ ისარგებლებს 68 ოჯახი.

4. ომის მონაწილე ვეტერანებისა და მათი ოჯახების დახმარების პროგრამა; პროგრამის ბიუჯეტი განისაზღვრა 56000 ლარით. მისი მიზანია ომის მონაწილე ვეტერანებისა და მათი ოჯახების დახმარება. პროგრამით ისარგებლებს 85 ბენეფიციარი. პროგრამიდან დაფინანსდება საქართველოს ტერიტორიული მთლიანობისათვის ომის შემდგომ გარდაცვლილი ვეტერანების ოჯახები, საქართველოს ტერიტორიული მთლიანობისათვის ომში მონაწილე, სხვა სახელმწიფოთა ტერიტორიაზე ვეტერანთა შეჭირვებული ოჯახები, რომელთა სოციალური სარეიტინგო ქულა არ აღემატებოდა 130 000-ს. ყოველთვიურად გაეწევათ დახმარება 50 ლარის ოდენობით, მათ შორის პირველი და მეორე ჯგუფის შშმ ვეტერანებისათვის ყოველთვიურად გაიცემა 100 ლარით დახმარება. ასევე, საქართველოს ტერიტორიული მთლიანობისათვის ბრძოლაში დაღუპული მეომრების ოჯახებზე გათვალისწინებულია ყოველთვიურად 50 ლარით დახმარება. მეორე მსოფლიო ომის ვეტერანებისათვის ყოველთვიურად 50 ლარით დახმარება. ამავე პროგრამიდან განხორციელდება დედის დღესთან - 3 მარტთან დაკავშირებით, დაღუპული მეომრების დედების ერთჯერადად 200 ლარით დასაჩუქრება. პროგრამით გათვალისწინებულია მე-2 მსოფლიო ომის მონაწილეთა ერთჯერადი დახმარება 9 მაისთან დაკავშირებით - ვეტერანებზე ერთჯერადად გაიცემა დახმარება 300 ლარის ოდენობით. საქართველოს ტერიტორიული მთლიანობისათვის ბრძოლაში დაღუპული მეომრების ოჯახებს - (27 სექტემბერს, 8 აგვისტოს და ოსეთის კონფლიქტების დროს დაღუპული მეომრების ოჯახებს) საჩუქრად გადაეცემა 300 ლარი. ომის მონაწილეთა ოჯახებზე გაიცემა ვეტერანთა სარიტუალო თანხა 250 ლარის ოდენობით. პროგრამით ასევე გათვალისწინებულია აგვისტოს ომში გორის მუნიციპალიტეტის სოფ. შინდისში გმირულად დაღუპული მეომრების ოჯახის წევრების ტრანსპორტირების ხარჯი 700 ლარი. ომში დაღუპული მეომრების საპატივცემულოდ მუნიციპალიტეტის ადმინისტრაციულ ერთეულში გამართულ ღონისძიებებთან დაკავშირებით საჩუქრის გადაცემა და წლის განმავლობაში დაგეგმილ ღონისძიებებზე ვეტერანთა საფლავების ყვავილებით შესამკობად თაიგულების და გვირგვინების შეძენა (1 000 ლარი).

5. მოსწავლეთა ტრანსპორტირების პროგრამა; პროგრამის ბიუჯეტი განისაზღვრა 7600 ლარით. მისი მიზანია სოფლებიდან მოსწავლეთა ტრანსპორტირების ხელშეწყობა. პროგრამით სარგებლობს ერთი სკოლა- იოანე ნათლისმცემლის სახელობის სასულიერო

გიმნაზია. პროგრამა ხელს უწყობს ბავშვების ჯანმრთელობასა და განათლების სრულფასოვნად მიღებას (სულ 44 მოსწავლე).

6. ცენტრ „იავნანა“-ს თანადაფინანსების პროგრამა; პროგრამის ბიუჯეტი განისაზღვრა 13000 ლარით. მისი მიზანია ლანჩხუთის მუნიციპალიტეტში მცხოვრები ცენტრ „იავნანა“-ში დარეგისტრირებული, სოციალურად დაუცველი 24 ბავშვის ფსიქო-სოციალური რეაბილიტაციის ხელშეწყობა. პროგრამა ნაწილობრივ ფინანსდება სახელმწიფო ბიუჯეტიდან. ცენტრს დამატებით ესაჭიროება კომუნალური და მიმდინარე ხარჯების დაფინანსება. წარმოდგენილი პროგრამის ფარგლებში დაფინანსებული იქნება ელექტროენერჯის, ბუნებრივი აირის გადასახადები, ასევე დაფინანსდა ცენტრისათვის ყოველთვიურად ჰიგიენისა და ყოველდღიური მოხმარების საგნების ღირებულება.

7. ბიკარბონატული ჰემოდიალიზით-თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების პროგრამა; პროგრამის ბიუჯეტი განისაზღვრა 38800 ლარით. მისი მიზანია თირკმლის ქრონიკული უკმარისობით დაავადებულთა ტრანსპორტირების დაფინანსება ჰემოდიალიზის ჩასატარებლად. პროგრამა გათვლილია 24 ბენეფიციარზე.

8. იძულებით გადაადგილებულ პირთა დახმარების პროგრამა; პროგრამის ბიუჯეტი განისაზღვრა 15300 ლარით. მისი მიზანია იძულებით გადაადგილებულ პირთა ფინანსური დახმარება. ოჯახები, რომლებიც რეგისტრირებული არიან ლანჩხუთის მუნიციპალიტეტში, ერთჯერადად საშუაშე მერქნის შესაძენად მიიღებენ ფინანსურ დახმარებას. ლანჩხუთის მუნიციპალიტეტში რეგისტრირებულია 55 ოჯახი. პროგრამა გათვლილია 55 ოჯახზე.

9. სამკურნალო და საოპერაციო ხარჯებით დახმარების პროგრამა; პროგრამის ბიუჯეტი განისაზღვრა 92000 ლარით. მისი მიზანია მოქალაქეთა სამკურნალო და საოპერაციო ხარჯებით დახმარება. პროგრამით სავარაუდოდ ისარგებლებს 300 ბენეფიციარი.

10. ერთჯერადი სოციალური (ფულადი) დახმარების პროგრამა; პროგრამის ბიუჯეტი განისაზღვრა 19500 ლარით. მის მიზანია ლანჩხუთის მუნიციპალიტეტის ტერიტორიაზე რეგისტრირებული მარტოხელა შეჭირვებული მოხუცების და მარტოხელა მშობლის სტატუსის მქონე პირების, რომელთა ოჯახების სარეიტინგო ქულა არ აღემატება 65 000, საშუაშე მერქნის შესაძენად ფულადი დახმარება. ამავე პროგრამის ფარგლებში გათვალისწინებულია: ქალთა მიმართ ძალადობის მსხვერპლთა დახმარება; ლანჩხუთის მუნიციპალიტეტში მინდობით აღზრდაში განთავსებული ბავშვების, რომელთა რეინტეგრაცია-ბიოლოგიურ ოჯახში დაბრუნება, ოჯახებს გაეწევა ერთჯერადი ფულადი დახმარება მათი საჭიროებების გათვალისწინებით და სახელმწიფო ზრუნვის პროგრამიდან გასული ახალგაზრდების ფინანსური დახმარება, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სსიპ სოციალური მომსახურეობის სააგენტოს ლანჩხუთის რაიონული განყოფილების მიერ მოწოდებული ინფორმაციის საფუძველზე ახალგაზრდების საჭიროებების გათვალისწინებით. ასევე, დედ-მამით ობოლი ბავშვების და შშმ ბავშვების, რომლებიც არის ობოლი, ერთჯერადი ფინანსური დახმარება. პროგრამის ფარგლებში გათვალისწინებულია სადღესასწაულო და ღირშესანიშნავ დღეებთან დაკავშირებით საკვები პროდუქტებისა და ტკბილეულის შეძენა სოციალურად დაუცველი უმწეო ოჯახებისათვის; მე-2 მსოფლიო ომის ვეტერანებისათვის და 100(ასი) და მეტი წლის ასაკის ხანდაზმულებისათვის.

11. მძიმე საცხოვრებელ პირობებში უბედური შემთხვევისა და სტიქიური მოვლენების შედეგად დაზარალებული ოჯახების ერთჯერადი დახმარების პროგრამა; პროგრამის ბიუჯეტი განისაზღვრა 50000 ლარით. პროგრამის ფარგლებში შერჩეულ ბენეფიციარს დახმარება გაეწევა ავარიულ მდგომარეობაში არსებული და სტიქიით დაზიანებული

საცხოვრებელი სახლის მოწესრიგებაში. პროგრამით სავარაუდოდ ისარგებლებს 60 ბენეფიციარი.

12. უპატრონო მიცვალებულთა სარიტუალო მომსახურების პროგრამა; პროგრამის ბიუჯეტი განისაზღვრა 2500 ლარით. ლანჩხუთის მუნიციპალიტეტის ტერიტორიაზე უპატრონო მიცვალებულთა სარიტუალო მომსახურება. პროგრამა გათვლილია 10 ბენეფიციარზე.

13. ლანჩხუთის რეგიონალური ორგანიზაციის „გამარჯვებულ ქალთა კლუბის“ სარეაბილიტაციო პროგრამა ძუძუს კიბოს დიაგნოზით ნაოპერაციები ქალებისათვის; პროგრამის ბიუჯეტი განისაზღვრა 37200 ლარით. მისი მიზანია ძუძუს კიბოს დიაგნოზით ნაოპერაციები ქალების რეაბილიტაცია და მხარდაჭერა. განსაკუთრებული მნიშვნელობა ენიჭება ნაადრევ ეტაპზე კიბოს დიაგნოზით ნაოპერაციები ქალების მხარდაჭერას მათი შემდგომი რეაბილიტაციის მიზნით. პროგრამა ითვალისწინებს სარეაბილიტაციო ვარჯიშების ტრენინგს, ფსიქოლოგიურ ტრენინგს, მონაწილეობას მხარდაჭერ საინფორმაციო-საგანმანათლებლო ღონისძიებებში, სხვადასხვა კულტურულ ღონისძიებებში. პროგრამით ისარგებლებენ კლუბის წევრი ქალბატონები, სავარაუდოდ 36 ბენეფიციარი.

14. ხანდაზმულ (100 და მეტი წლის ასაკის) პირთა დახმარების პროგრამა; პროგრამის ბიუჯეტი განისაზღვრა 1500 ლარით. მისი მიზანია ლანჩხუთის მუნიციპალიტეტში რეგისტრირებული 100 და მეტი წლის ასაკს გადაცილებული ხანდაზმულების ერთჯერადი დახმარება 500 ლარის ოდენობით. პროგრამა გათვლილია 3 ბენეფიციარზე.

15. მედიკამენტების შეძენაზე დახმარების პროგრამა; პროგრამის ბიუჯეტი განისაზღვრა 15000 ლარით. მისი მიზანია ლანჩხუთის მუნიციპალიტეტის ტერიტორიაზე რეგისტრირებული ონკოლოგიური ბენეფიციარების და ლეიკემიით დაავადებული ბენეფიციარების დახმარება წლის განმავლობაში ერთჯერადად მედიკამენტების შესაძენად, რომელთა ოჯახების სარეიტინგო ქულა 65001-დან არ აღემატება 150 000-ს. პროგრამით სავარაუდოდ ისარგებლებს 50 ბენეფიციარი.

16. შშმ პირის სტატუსის მქონე ბენეფიციართა სარეაბილიტაციო კურსის დაფინანსების პროგრამა; პროგრამის ბიუჯეტი განისაზღვრა 9800 ლარით. მისი მიზანია ლანჩხუთის მუნიციპალიტეტის ტერიტორიაზე რეგისტრირებული 0-დან 18 წლამდე შშმ პირის სტატუსის მქონე ბენეფიციართა სარეაბილიტაციო კურსის დაფინანსება ურეკში. პროგრამა გათვლილია 14 ბენეფიციარზე.

17. ბავშვთა ადრეული განვითარების ხელშეწყობისა და ბავშვთა რეაბილიტაცია/აბილიტაციის ქვეპროგრამით მოსარგებლე შშმ ბავშვების და მათი თანმხლები პირების ტრანსპორტირების დაფინანსების პროგრამა; პროგრამის ბიუჯეტი განისაზღვრა 25000 ლარით. პროგრამის მიზანია "სოციალური რეაბილიტაციისა და ბავშვზე ზრუნვის სახელმწიფო პროგრამით" გათვალისწინებული ბავშვთა ადრეული განვითარების ხელშეწყობისა და ბავშვთა რეაბილიტაცია/აბილიტაციის ქვეპროგრამით მოსარგებლე შშმ ბავშვების განვითარების ხელშეწყობა. დღეის მდგომარეობით ლანჩხუთის მუნიციპალიტეტში „ბავშვთა ადრეული განვითარების ხელშეწყობისა“ და „ბავშვთა რეაბილიტაცია/აბილიტაციის ქვეპროგრამებში“ ჩართულია 15 შშმ ბავშვი, საიდანაც 4 ბავშვის ოჯახი მეტნაკლებად ახერხებს სარეაბილიტაციო კურსის არასრულყოფილად გავლას. დანარჩენი ბავშვები ვერ სარგებლობენ პროგრამით იმის გამო, რომ ოჯახები არის სოციალურად დაუცველი და მათ არ აქვთ საშუალება გასწიონ ბავშვების და მათი ტრანსპორტირების ხარჯი, რის გამოც ბავშვები ვერ გადიან მათთვის აუცილებელ მკურნალობის კურსს. ბავშვთა ადრეული განვითარების ხელშეწყობის ქვეპროგრამის ამოცანაა ადრეული ინტერვენციის მომსახურების მიწოდების გზით შეზღუდული შესაძლებლობის, განვითარების დარღვევის ან ასეთი რისკის მქონე ბავშვების განვითარების სტიმულირება, სკოლამდელ ან ზოგადსაგანმანათლებლო პროგრამებში ჩართვისა და სოციალური ინტეგრაციის ხელშეწყობა, ბავშვისა და ოჯახის

გამლიერება, შესაძლებლობის შეზღუდვისა და მიტოვების პრევენცია. ადრეული ინტერვენციის პროცესი მოიცავს დაბადებიდან სამ წლამდე და საჭიროების შემთხვევაში, შვიდ წლამდე ასაკის განვითარების დარღვევის, ან ამ მხრივ რისკის მქონე ბავშვების შეფასებას, მომსახურების დაგეგმვასა და მიწოდებას. მისი მიზანია იდენტიფიცირებული ბავშვების კოგნიტური, მოტორული, კომუნიკაციური და ემოციური განვითარების ხელშეწყობა, განვითარების შეფერხების პრევენცია, მიტოვების პრევენცია, ასევე, მათი მშობლების განათლება და გამლიერება ბავშვის აღზრდა-განვითარების სფეროში. ქვეპროგრამის სამიზნე ჯგუფს განეკუთვნებიან დაბადებიდან შვიდ წლამდე ასაკის ბავშვები (შვიდი წლის შესრულების თვის ჩათვლით), რომლებსაც აქვთ ბავშვთა პედაგოგის/ოჯახის ექიმის, ნევროლოგის ან სხვა ექიმ-სპეციალისტის მიერ გამოვლენილი განვითარების ეტაპების დაყოვნება. ზედიზედ 2 თვის ვაუჩერის ტალონის გამოუყენებლობა იწვევს ვაუჩერის ავტომატურად გაუქმებას, გარდა შესაბამისი დაწესებულების ფუნქციონირების დროებით შეჩერების შემთხვევებისა, რაზეც მიმწოდებელი მინიმუმ ერთი თვით ადრე წერილობით აცნობებს ბენეფიციარის კანონიერ წარმომადგენელს/მინდობით აღმზრდელს, სააგენტოსა და სამინისტროს. ვაუჩერის გაუქმების შესახებ გადაწყვეტილებას იღებს სააგენტო. ვინაიდან გურიის რეგიონში არის ზემოაღნიშნული სახელმწიფო პროგრამით გათვალისწინებული „ბავშვთა ადრეული განვითარების ხელშეწყობის“ ქვეპროგრამის მომწოდებელი ორგანიზაციები, მნიშვნელოვანია მუნიციპალიტეტის ფინანსური თანამონაწილეობა ტრანსპორტირების ანაზღაურების კუთხით, ვინაიდან, სერვისის მიწოდება ითვალისწინებს მომსახურებას ბავშვებისთვის ბუნებრივ გარემოში- სახლში, ბაღსა თუ ცენტრში. ქვეპროგრამის მომწოდებელი ორგანიზაციებისთვის მუნიციპალიტეტის ბიუჯეტიდან გათვალისწინებული იქნება თანამონაწილეობა ტრანსპორტირების ანაზღაურებაში. ადრეული განვითარების ხელშეწყობის პროგრამის ფარგლებში გათვალისწინებულია თითო ბავშვთან თვეში 8 ვიზიტი. გურიის რეგიონში ამ მომსახურების მომწოდებელი ორგანიზაციების (ა(ა)იპ „ოდა ქეარ“ -ის და საქველმოქმედო ასოციაცია „გურია“ არაკომერციული ჰუმანიტარული ორგანიზაციის მიერ წარმოდგენილია ტრანსპორტირების თანამონაწილეობის საფასური ერთ ბენეფიციარზე დღეში 5(ხუთი) ლარის ოდენობით. ასევე, მიზანშეწონილია ბავშვებისთვის მომსახურების ცენტრში მიწოდებისას ანაზღაურდეს ბავშვების ცენტრამდე ტრანსპორტირების ხარჯი იგივე საფასურით. „ბავშვთა რეაბილიტაცია/აბილიტაციის ქვეპროგრამის“ ამოცანებია სამიზნე ჯგუფის ბავშვთა სპეციფიკური რეაბილიტაცია, აბილიტაცია, ფიზიკური ჯანმრთელობის გაუმჯობესება, ადაპტაციური შესაძლებლობების გამლიერება და სოციალური ინტეგრაციის ხელშეწყობა. ბენეფიციარის მომსახურებაში ჩართვის შესახებ გადაწყვეტილება უქმდება ბენეფიციარის მიერ ნებისმიერი მიზეზით დაგეგმილ კურსზე ზედიზედ 30 კალენდარული დღის ვადაში არასაპატიო მიზეზით გამოუცხადებლობის შემთხვევაში. ამ შემთხვევაში, უნდა მოხდეს ბენეფიციარის პროგრამაში ხელახლა ჩართვა ყველა აუცილებელი პროცედურის გავლით. „ბავშვთა რეაბილიტაცია/აბილიტაციის ქვეპროგრამების“ მომწოდებელი ორგანიზაციები გურიის რეგიონში არ არის და მშობლებს უწევთ ბავშვების მკურნალობის კურსის ქუთაისში, თბილისში, ჩაქვში და ბათუმში გავლა. ტრანსპორტირების ხარჯი ერთ ბენეფიციარზე თანმხლებ პირთან ერთად შეადგენს თვეში 220 ლარს. მკურნალობის კურსი ტარდება 12 თვის განმავლობაში (თვეში 10 დღე). სამსახურის მიერ ორიენტაცია აღებულია ქუთაისის, ჩაქვისა და ბათუმის სარეაბილიტაციო ცენტრებზე, ტრანსპორტირების ხარჯი დაანგარიშებულია შპს „ავტო 2018“-ის მიერ მოწოდებული ინფორმაციის საფუძველზე (ჩაქვში ტრანსპორტირების ღირებულება ნაცვლად წერილში მითითებული 4,5 ლარისა, დამრგვალებულია 5 ლარზე, რაც დაკორექტირდება კონკრეტული მომსახურების გაწევის დამადასტურებელი დოკუმენტის მიხედვით). მუნიციპალიტეტის ბიუჯეტიდან ბავშვთა ადრეული განვითარების ხელშეწყობის სერვისის ფარგლებში გათვალისწინებული იქნება

ლანჩხუთის მუნიციპალიტეტში სერვისის მომწოდებელ სპეციალისტთა ტრანსპორტირების ხარჯის ანაზღაურება სერვისის ბუნებრივ გარემოში იქნება ეს სახლი, ბაღი თუ ცენტრი. ხოლო სერვისის ცენტრში მიწოდების შემთხვევაში, ასევე დამატებით, ბავშვებს აუნაზღაურდებათ ტრანსპორტირების ხარჯი. ბავშვთა რეაბილიტაცია/აბილიტაციის ქვეპროგრამით მოსარგებლე ბავშვების განვითარების ხელშეწყობის მიზნით მომსახურების მომწოდებელ ორგანიზაციებში ქვეპროგრამით მოსარგებლე ბავშვებისა და მათი თანმხლები პირებისათვის მოხდება ფაქტობრივად გაწეული სატრანსპორტო ხარჯის ანაზღაურება. პროგრამა გათვლილია 30 ბენეფიციარზე.

მერიის სოციალური და ჯანდაცვის სამსახურის უფროსმა **თამარ ფირცხალაიშვილმა** განმარტა, რომ ქალაქის ტერიტორიაზე მცხოვრებ ბენეფიციარებს საკვები მიეწოდებათ ყოველდღიურად, ხოლო ადმინისტრაციულ ერთეულებში მცხოვრებ ბენეფიციარებს კვირაში ორჯერ(გაზრდილი ულუფით), რადგან ტრანსპორტირების ხარჯი ბევრად მეტი გამოდის, ვიდრე საკვების და ამ კუთხით გამოყოფილი თანხებიდან გაკეთებულია შესაძლებლობის მაქსიმუმი. მან აქვე აღნიშნა, რომ ამ ეტაპისთვის ყველა განცხადება კვებით უზრუნველყოფასთან დაკავშირებით დაკმაყოფილებულია და შესაბამისად, ჯერ-ჯერობით პრეტენზიებიც არ გამოთქმულა.

მერიის სოციალური და ჯანდაცვის სამსახურის უფროსმა **თამარ ფირცხალაიშვილმა** ასევე აღნიშნა, რომ პროგრამული ბიუჯეტი უკვე დამტკიცებულია და მედიკამენტებით დახმარების პროგრამაში შენიშვნების და რეკომენდაციების გათვალისწინება შესაძლებელი იქნება ბიუჯეტში ცვლილებაზე წარმოების დაწყების შემთხვევაში.

საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის თავმჯდომარე **გიორგი ჩახვაძე** დაინტერესდა სამედიცინო კვლევების დაფინანსების საკითხით.

მერიის სოციალური და ჯანდაცვის სამსახურის უფროსმა **თამარ ფირცხალაიშვილმა** განმარტა, რომ სოციალური პროგრამების საკრებულოს კომისიებსა და ფრაქციებში განხილვის შედეგად გამოთქმული შენიშვნების გათვალისწინებით სამედიცინო კვლევები დაუფინანსდებათ იმ ბენეფიციარებს, რომელთა სარეიტინგო ქულა 130000-ს არ აღემატება.

საკრებულოს წევრების მიერ განკარგულების პროექტთან დაკავშირებით სხვა შენიშვნები და წინადადებები არ გამოთქმულა.

საკრებულოს თავმჯდომარე ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა საკრებულოს 26 წევრი.

მომხრე საკრებულოს 26 წევრი, წინააღმდეგი არცერთი.

მიღებულ იქნა განკარგულება N1 (24.01.2020)

დღის წესრიგის მესამე საკითხი: ლანჩხუთის მუნიციპალიტეტის 2019 წლის სოციალურ-კულტურული ღონისძიებების - განათლების ხელშეწყობის, კულტურის

ლონისძიებების, სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 30 იანვრის N2 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო მერიის განათლების, კულტურის, სპორტისა და ახალგაზრდულ საქმეთა სამსახურის უფროსმა ია ჩხაიძემ. მან აღნიშნა, რომ „ლანჩხუთის მუნიციპალიტეტის 2019 წლის სოციალურ-კულტურული ღონისძიებების - განათლების ხელშეწყობის, კულტურის ღონისძიებების, სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 30 იანვრის N2 დადგენილებაში (სსმ ვებგვერდი matsne.gov.ge 04/02/2019 სარეგისტრაციო კოდი (190020020.35.112.016399) უნდა შევიდეს შემდეგი სახის ცვლილებები:

1) დადგენილების სათაური ჩამოყალიბდეს შემდეგი რედაქციით:

„ლანჩხუთის მუნიციპალიტეტის 2020 წლის ბიუჯეტით განსაზღვრული - განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“

2) დადგენილების პირველი მუხლი ჩამოყალიბდეს შემდეგი რედაქციით:

„მუხლი 1. დამტკიცდეს ლანჩხუთის მუნიციპალიტეტის 2020 წლის ბიუჯეტით განსაზღვრული - განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესი, დანართის შესაბამისად“

3) დადგენილებით დამტკიცებული დანართის სათაური ჩამოყალიბდეს შემდეგი რედაქციით:

„ლანჩხუთის მუნიციპალიტეტის 2020 წლის ბიუჯეტით განსაზღვრული - განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესი“

4) დადგენილებით დამტკიცებული დანართის პირველი მუხლი ჩამოყალიბდეს შემდეგი რედაქციით:

„მუხლი 1. ზოგადი დებულებები.

ეს წესი არეგულირებს 2020 წლის ბიუჯეტით განსაზღვრული - განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამებიდან - განათლების, კულტურის და სპორტის სფეროში მოღვაწე წარმატებული ადამიანების დაჯილდოების, ინტელექტუალურ-შემეცნებითი, კულტურული და ახალგაზრდული პროექტების დაფინანსების მიზნით, თანხის გაცემის წესს.“

საკრებულოს წევრების მიერ დადგენილების პროექტთან დაკავშირებით შენიშვნები და წინადადებები არ გამოთქმულა.

საკრებულოს თავმჯდომარემ, ბესიკ ტაბიძემ კენჭი უყარა დადგენილების პროექტს.

კენჭისყრას ესწრებოდა 26 საკრებულოს წევრი.
მომხრე საკრებულოს 26 წევრი, წინააღმდეგი არცერთი.
მიღებულ იქნა დადგენილება N 2 (24.01.2020)

დღის წესრიგის მეოთხე საკითხი: ლანჩხუთის მუნიციპალიტეტის 2020 წლის ბიუჯეტით განსაზღვრული - განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამების დამტკიცების შესახებ” ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის განათლების, კულტურის, სპორტისა და ახალგაზრდულ საქმეთა სამსახურის უფროსმა **ია ჩხაიძემ**. მან აღნიშნა, რომ უნდა დამტკიცდეს ლანჩხუთის მუნიციპალიტეტის 2020 წლის ბიუჯეტით განსაზღვრული - განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამები:

1. განათლების ხელშეწყობის პროგრამა:

- ა) ინტელექტუალური და შემეცნებითი პროექტების თანადაფინანსების ქვეპროგრამა;
- ბ) განათლების სფეროში მოღვაწე წარმატებული ადამიანების წახალისების ქვეპროგრამა;
- გ) ტრანსპორტირებით დახმარების ქვეპროგრამა;

2. კულტურის ღონისძიებების პროგრამა დანართი:

- ა) კულტურული ღონისძიებების ორგანიზების ქვეპროგრამა;
- ბ) კულტურისა და ხელოვნების სფეროში მოღვაწე წარმატებული ადამიანებისა და შემოქმედებითი კოლექტივების წახალისების ქვეპროგრამა;
- გ) ტრანსპორტირებით დახმარების ქვეპროგრამა;
- დ) კულტურული მემკვიდრეობის დაცვის, შენარჩუნებისა და პოპულარიზაციის ქვეპროგრამა.
- ე) კულტურული პროექტების თანადაფინანსების ქვეპროგრამა;

3. სპორტული ღონისძიებების პროგრამა:

- ა) საჩუქრების და პრიზების შეძენის ქვეპროგრამა;
- ბ) წარმატებული, ახალგაზრდა, ვეტერანი და ღვაწლმოსილი სპორტსმენებისა და მწვრთნელების წახალისების ქვეპროგრამა;
- გ) მუნიციპალური სპორტული ტურნირების ორგანიზების ქვეპროგრამა;
- დ) სასკოლო სპორტული ოლიმპიადის და სპორტი ბარიერების გარეშე ჩატარების ქვეპროგრამა;
- ე) ტრანსპორტირებით მხარდაჭერის ქვეპროგრამა;

4. ახალგაზრდობის მხარდაჭერის პროგრამა:

- ა) ახალგაზრდული პროექტების თანადაფინანსების ქვეპროგრამა;
- ბ) შ.შ.მ. ახალგაზრდების საზოგადოებაში ინტეგრაციის პროგრამა;

საკრებულოს წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

საკრებულოს თავმჯდომარემ, ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა 26 საკრებულოს წევრი.
მომხრე საკრებულოს 26 წევრი, წინააღმდეგი არცერთი.
მიღებულ იქნა განკარგულება N2 (24.01.2020)

დღის წესრიგის მეხუთე საკითხი: „ლანჩხუთის მუნიციპალიტეტის სარგებლობაში არსებული მოძრავი ქონების, ა(ა)იპ „ლანჩხუთის მუნიციპალიტეტის საზოგადოებრივი ჯანდაცვის ცენტრი“-სთვის, პირდაპირი განკარგვის წესით, უსასყიდლოდ, სარგებლობის უფლებით გადაცემაზე მერისათვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის ეკონომიკისა და ქონების მართვის სამსახურის უფროსმა **გიორგი ნაჭყებია**მ. მისი განმარტებით, სსიპ ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნულმა ცენტრმა, შესაბამისი დოკუმენტაციის საფუძველზე, (წარმოდგენილია დანართის სახით) ლანჩხუთის მუნიციპალიტეტს, ა(ა)იპ „ლანჩხუთის მუნიციპალიტეტის საზოგადოებრივი ჯანდაცვის ცენტრი“-ს საჭიროებისათვის, უვადოდ, სარგებლობის უფლებით გადმოსცა მოძრავი ქონება. (რომელიც ცენტრმა გადმოცემის მომენტიდან მოხსნა თავისი ბალანსიდან). ზემოაღნიშნულის გათვალისწინებით, მომზადდა „ლანჩხუთის მუნიციპალიტეტის სარგებლობაში არსებული მოძრავი ქონების, ა(ა)იპ „ლანჩხუთის მუნიციპალიტეტის საზოგადოებრივი ჯანდაცვის ცენტრი“-სთვის, პირდაპირი განკარგვის წესით, უსასყიდლოდ, სარგებლობის უფლებით გადაცემაზე მერისათვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტი.

საკრებულოს წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

საკრებულოს თავმჯდომარემ, ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა 26 საკრებულოს წევრი.

მომხრე საკრებულოს 26 წევრი, წინააღმდეგი არცერთი.

მიღებულ იქნა განკარგულება N3 (24.01.2020)

დღის წესრიგის მეექვსე საკითხი: „ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 28 მარტის N18 განკარგულებაში ცვლილების შეტანის თაობაზე” ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის ეკონომიკისა და ქონების მართვის სამსახურის უფროსმა **გიორგი ნაჭყებია**მ. მისი განმარტებით, ლანჩხუთის მუნიციპალიტეტის მერიის ეკონომიკისა და ქონების მართვის სამსახური მიზანშეწონილად მიიჩნევს, რომ ლანჩხუთის მუნიციპალიტეტის საკუთრებაში არსებული უძრავი ქონება, კერძოდ ქალაქ ლანჩხუთში, ჟორდანიას ქუჩის N 126-ში მდებარე ყოფილი სასტუმროს პირველი სართულის კიბის უჯრედის ნაწილი (ს/კ 27.06.51.005.01.531) განკარგვის მიზნით, აისახოს მუნიციპალიტეტის მოძრავი ქონების საპრივატიზებო ნუსხასა და პრივატიზაციის გეგმაში.

საკრებულოს წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

საკრებულოს თავმჯდომარემ, ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა 26 საკრებულოს წევრი.

მომხრე საკრებულოს 26 წევრი, წინააღმდეგი არცერთი.

მიღებულ იქნა განკარგულება N4 (24.01.2020)

დღის წესრიგის მეშვიდე საკითხი: ლანჩხუთის მუნიციპალიტეტის საკუთრებაში არსებული უძრავი ქონების, სსიპ „ვეტერანების საქმეთა სახელმწიფო სამსახური“-სთვის პირდაპირი განკარგვის წესით, სარგებლობის უფლებით, უსასყიდლოდ გადაცემაზე მერისათვის თანხმობის მიცემის შესახებ” ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის ეკონომიკისა და ქონების მართვის სამსახურის უფროსმა **გიორგი ნაჭყებია**მ. მისი განმარტებით, ლანჩხუთის მუნიციპალიტეტის მერიას, მიმდინარე წლის 26 ნოემბრის NSSVA 00025609 წერილით მომართა სსიპ „ვეტერანების საქმეთა სახელმწიფო სამსახური“-ს (ს/კ 205309637) დირექტორმა ვლადიმერ იმნაძემ - ლანჩხუთის მუნიციპალიტეტის საკუთრებაში არსებული უძრავი ქონების - (ქ. ლანჩხუთში, ჟორდანიას ქ. N126-ში, მდებარე ყოფილი სასტუმრო შენობის მეორე სართულზე არსებული 43,90 კვ.მ. N116 ფართი (ს/კ 27.06.51.005.01.116)) სარგებლობის უფლებით გადაცემის თაობაზე.

საქართველოს ორგანული კანონის „ადგილობრივი თვითმმართველობის კოდექსის“ 122-ე მუხლის მე-4 და მე-6 ნაწილის შესაბამისად, მუნიციპალიტეტის აღმასრულებელი ორგანო უფლებამოსილია, მუნიციპალიტეტის საკრებულოს თანხმობით, მუნიციპალიტეტის ქონება პირდაპირი განკარგვის წესით, გადასცეს საჯარო სამართლის იურიდიულ პირს (გარდა პოლიტიკური პარტიისა).

სხდომას შემოუერთდა მუნიციპალიტეტის საკრებულოს წევრი ციციხო ჩხაიძე.

საკრებულოს წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

საკრებულოს თავმჯდომარემ, ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა 27 საკრებულოს წევრი.

მომხრე საკრებულოს 27 წევრი, წინააღმდეგი არცერთი.

მიღებულ იქნა განკარგულება N5 (24.01.2020)

დღის წესრიგის მერვე საკითხი: „ლანჩხუთის მუნიციპალიტეტის საკუთრებაში არსებული მოძრავი ქონების, სსიპ იუსტიციის სახლისთვის, პირდაპირი განკარგვის წესით, უსასყიდლოდ, უვადოდ სარგებლობის უფლებით გადაცემაზე მერისათვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის ეკონომიკისა და ქონების მართვის სამსახურის უფროსმა **გიორგი ნაჭყებია**მ. მისი განმარტებით, აღნიშნული პროექტი მომზადდა სსიპ „იუსტიციის სახლი“-ს აღმასრულებელი დირექტორის სოსო გიორგაძის, მიმდინარე წლის 19 დეკემბრის N2898 მომართვის საფუძველზე, რომელმაც ითხოვა ნიგოითის ადმინისტრაციულ ერთეულში მდებარე საზოგადოებრივ ცენტრში განთავსებული ლანჩხუთის მუნიციპალიტეტის საკუთრებაში არსებული იმ მოძრავი ქონების პირდაპირი განკარგვის წესით, უსასყიდლოდ, უვადოდ სარგებლობის უფლებით გადაცემა, რომელიც იუსტიციის სახლს ესაჭიროება ლანჩხუთის მუნიციპალიტეტის ტერიტორიაზე, მისთვის წესდებით განსაზღვრული ფუნქციის განსახორციელებლად.

საქართველოს ორგანული კანონის „ადგილობრივი თვითმმართველობის კოდექსი“ 122-ე მუხლის მე-4 და მე-6 ნაწილის შესაბამისად, მუნიციპალიტეტის აღმასრულებელი

ორგანო უფლებამოსილია, მუნიციპალიტეტის საკრებულოს თანხმობით, მუნიციპალიტეტის ქონება აუქციონის გარეშე, უსასყიდლო სარგებლობის უფლებით გადასცეს საჯარო სამართლის იურიდიულ პირს (გარდა პოლიტიკური პარტიებისა).

საკრებულოს წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

საკრებულოს თავმჯდომარემ, ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა 27 საკრებულოს წევრი.

მომხრე საკრებულოს 27 წევრი, წინააღმდეგი არცერთი.

მიღებულ იქნა განკარგულება N6 (24.01.2020)

დღის წესრიგის მეცხრე საკითხი: „ლანჩხუთის მუნიციპალიტეტის საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის შექმნის და კომისიის შემადგენლობის დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 24 ნოემბრის N97 განკარგულებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო საკრებულოს იურიდიულ საკითხთა და ეთიკის კომისიის თავმჯდომარემ **ვერიკო კვიციანი**. მან აღნიშნა, რომ საკრებულოს ფრაქცია „ქართული ოცნება-კონსერვატორები“-ს თავმჯდომარემ გოგი მორჩილაძემ სურვილი გამოთქვა საკრებულოს ეკონომიკის, ქონების მართვისა და ბუნებრივი რესურსების საკითხთა კომისიაში შესვლასთან დაკავშირებით, რის თაობაზეც მუნიციპალიტეტის საკრებულოს თავმჯდომარეს მომართა განცხადებით.

საკრებულოს წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

საკრებულოს თავმჯდომარემ, ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა 27 საკრებულოს წევრი.

მომხრე საკრებულოს 27 წევრი, წინააღმდეგი არცერთი.

მიღებულ იქნა განკარგულება N7 (24.01.2020)

დღის წესრიგის მეათე საკითხი: „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის N5 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო

საკრებულოს იურიდიულ საკითხთა და ეთიკის კომისიის თავმჯდომარემ **ვერიკო კვიციანი**მ. მისი განმარტებით, პროექტი ითვალისწინებს ხელფასების მოწესრიგებას, რომლის მიხედვითაც რიგ თანამშრომლებზე მოხდება თანამდებობრივი სარგოს ოდენობების გაზრდა. კერძოდ, პირველი რანგის პირველადი სტრუქტურული ერთეულის ხელმძღვანელის (აპარატის უფროსი) შრომის ანაზღაურება განისაზღვრება 1700 ლარით და მესამე რანგის პირველი კატეგორიის უფროსი სპეციალისტის (მთავარი სპეციალისტი)- 900 ლარის ოდენობით. პროექტის ფინანსური უზრუნველყოფა ასახულია ლანჩხუთის მუნიციპალიტეტის 2020 წლის ბიუჯეტში.

გარდა ამისა, საკრებულოს იურიდიულ საკითხთა და ეთიკის კომისიის თავმჯდომარემ აღნიშნა, რომ როდესაც განყოფილებების უფროსებს მოემატათ ხელფასები, მაშინ საკრებულოს სამდივნოს უფროსის შრომის ანაზღაურება საკრებულოს საორგანიზაციო განყოფილების უფროსის ხელფასთან შედარებით განისაზღვრა ნაკლები ოდენობით, მიუხედავად იმისა, რომ ისინი მიეკუთვნებიან ერთიდაიგივე რანგს. საკრებულოს იურიდიულ საკითხთა და ეთიკის კომისიის თავმჯდომარის თქმით, თავის დროზე ამ ფაქტთან დაკავშირებით დააფიქსირა საკუთარი აზრი. აქედან გამომდინარე, შესთავაზა კოლეგებს, იმსჯელონ აღნიშნული საკითხის შესახებ, რათა სამდივნოს ხელმძღვანელის ხელფასი გაუთანაბრდეს საორგანიზაციო განყოფილების უფროსის შრომის ანაზღაურებას და განისაზღვროს 1200 ლარის ოდენობით.

საკრებულოს წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

საკრებულოს თავმჯდომარემ, ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა 27 საკრებულოს წევრი.

მომხრე საკრებულოს 27 წევრი, წინააღმდეგი არცერთი.

მიღებულ იქნა განკარგულება N8 (24.01.2020)

დღის წესრიგის მეთერთმეტე საკითხი: „ლანჩხუთის მუნიციპალიტეტის მერიის თანამდებობის პირთა და სხვა მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 25 დეკემბრის N38 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის ადმინისტრაციული და შესყიდვების სამსახურის მეორე რანგის მეორადი სტრუქტურული ერთეულის(ადამიანური რესურსების მართვის განყოფილების უფროსი) უფროსმა **ელიკო იმნაძემ**. მისი განმარტებით, პროექტი მომზადებულია მერიის ადმინისტრაციული და შესყიდვებისა და მერიის საფინანსო-საბიუჯეტო სამსახურების ერთობლივი მოხსენებითი ბარათის საფუძველზე. იგი ითვალისწინებს რიგ თანამშრომლებზე თანამდებობრივი სარგოს ოდენობების გაზრდას, კერძოდ, მერის მოადგილის თანამდებობრივი სარგო განისაზღვრება 1800 ლარით, სამსახურის უფროსის -1700 და მთავარი სპეციალისტის- 900 ლარის ოდენობით. პროექტის ფინანსური უზრუნველყოფა ასახულია ლანჩხუთის მუნიციპალიტეტის 2020 წლის ბიუჯეტში.

საკრებულოს წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

საკრებულოს თავმჯდომარემ, ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა 27 საკრებულოს წევრი.

მომხრე საკრებულოს 27 წევრი, წინააღმდეგი არცერთი.

მიღებულ იქნა განკარგულება N9 (24.01.2020)

დღის წესრიგის მეთორმეტე საკითხი: „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის ეკონომიკისა და ქონების მართვის სამსახურის უფროსმა **გიორგი ნაჭყებამ**. მან აღნიშნა, რომ საქართველოს საგადასახადო კოდექსის მე-7 მუხლის პირველი ნაწილის შესაბამისად, ადგილობრივი თვითმმართველობის წარმომადგენლობითი ორგანო უფლებამოსილია შემოიღოს ამ კოდექსით დაწესებული ადგილობრივი გადასახადი ადგილობრივი თვითმმართველი ერთეულის მთელ ტერიტორიაზე ერთიანი განაკვეთის სახით ან/და ამ ერთეულის ტერიტორიაზე ცალკეული დარგების ან/და საქმიანობის სახეების მიხედვით, ამავე კოდექსით დადგენილი ზღვრული განაკვეთის ფარგლებში. ამავე კოდექსის 204-ე მუხლის მე-4 ნაწილის შესაბამისად მიწაზე საგადასახადო ვალდებულება განისაზღვრება საგადასახადო წლის 1 აპრილისათვის მოქმედი განაკვეთებით. აქედან გამომდინარე, მუნიციპალიტეტში ადგილობრივი (ქონების) გადასახადის განაკვეთები განისაზღვრა შემდეგნაირად:

მუხლი 1.

საწარმოსთვის/ორგანიზაციისთვის ქონების გადასახადის წლიური განაკვეთია დასაბეგრი ქონების ღირებულების 1 პროცენტი. ამ მუხლის მიზნებისათვის დასაბეგრი ქონების ღირებულება არის საშუალო წლიური საბალანსო ნარჩენი ღირებულება (გამოიანგარიშება კალენდარული წლის დასაწყისისა და ბოლოსთვის აქტივების საშუალო ღირებულების მიხედვით), რომელიც ქვემოთ ჩამოთვლილ შემთხვევებში მხოლოდ უძრავ ქონებასთან მიმართებით უნდა გაიზარდოს:

- ა) 2000 წლამდე მიღებულ აქტივებზე – 3-ჯერ;
- ბ) 2000 წლიდან 2004 წლამდე მიღებულ აქტივებზე – 2-ჯერ;
- გ) 2004 წელს მიღებულ აქტივებზე – 1.5-ჯერ;
- დ) იმ აქტივებზე, რომელთა მიღების შესახებ ინფორმაცია არ არსებობს – 3-ჯერ.

მუხლი 2.

საწარმოსთვის/ორგანიზაციისთვის, გარდა საგადასახადო კოდექსის 202-ე მუხლის 31 ნაწილით გათვალისწინებული შემთხვევისა, ლიზინგით გაცემულ დასაბეგრი ქონებაზე გადასახადის წლიური განაკვეთია დასაბეგრი ქონების საშუალო წლიური საბალანსო ნარჩენი ღირებულების (გამოიანგარიშება კალენდარული წლის დასაწყისისა და ბოლოსთვის აქტივების საშუალო ღირებულების მიხედვით) 1 პროცენტი. ამ მუხლის მიზნებისათვის ლიზინგით გაცემული დასაბეგრი ქონების საბალანსო ღირებულება არის ქონების გაცემის მომენტისათვის არსებული ღირებულება, ხოლო ყოველი მომდევნო წლისათვის ქონების ღირებულებად ითვლება აღნიშნული ქონების ნარჩენი საბალანსო ღირებულება, რომელიც ამ ქონებას ექნებოდა ლიზინგით არგაცემის შემთხვევაში.

მუხლი 3.

ფიზიკური პირის დასაბეგრ ქონებაზე გადასახადის წლიური განაკვეთებია:

- ა) 100 000 ლარამდე შემოსავლის მქონე ოჯახებისათვის – საგადასახადო პერიოდის ბოლოსთვის დასაბეგრი ქონების საბაზრო ღირებულების 0,2 პროცენტი;
- ბ) 100 000 ლარის ან მეტი შემოსავლის მქონე ოჯახებისათვის – საგადასახადო პერიოდის ბოლოსთვის დასაბეგრი ქონების საბაზრო ღირებულების 1.0 პროცენტი.

მუხლი 4.

განისაზღვროს ლანჩხუთის მუნიციპალიტეტის ტერიტორიაზე სასოფლო-სამეურნეო დანიშნულებისა და ტყის მიწაზე ქონების გადასახადის წლიური განაკვეთი ერთ ჰექტარზე გაანგარიშებით, ლარებში:

- 1) სათიბი (ბუნებრივი და გაკულტურებული) -20.00 ლარი;
- 2) საძოვარი (ბუნებრივი და გაკულტურებული)- 16.00 ლარი;
- 3) სახნავი (მათ შორის, მრავალწლიანი ნარგავებით დაკავებული მიწა, საბაღე, საბოსტნე) - 73.00 ლარი;
- 4) საკარმიდამო- 73.00 ლარი;

სასოფლო-სამეურნეო საქმიანობაში გამოყენებული ტყის მიწებისათვის:

- ა) სათიბი -20.00ლარი;
- ბ) საძოვარი- 16.00ლარი;
- გ) სახნავი -73.00 ლარი;

მუხლი 5.

განისაზღვროს ლანჩხუთის მუნიციპალიტეტის ტერიტორიაზე ბუნებრივი რესურსებით მოსარგებლე პირისათვის (შესაბამისი ლიცენზიის გაცემის საფუძველზე) გამოყოფილ მიწებზე ქონების გადასახადის წლიური განაკვეთი ერთ ჰექტარზე 3 ლარით.

მუხლი 6.

არასასოფლო-სამეურნეო დანიშნულების მიწის ერთ კვადრატულ მეტრზე ქონების გადასახადის წლიური განაკვეთები ლანჩხუთის მუნიციპალიტეტის ტერიტორიაზე განისაზღვროს შემდეგი ოდენობით ლარებში:

- 1) ქ.ლანჩხუთი:
 - ა) ტერიტორიული კოეფიციენტი- 1,0;
 - ბ) საბაზისო განაკვეთი 1კვ. მ-ზე (ლარებში)- 0,24;
 - გ)წლიური განაკვეთი 1 კვ.მ-ზე (3 X 4)- 0,24;
- 2) ლანჩხუთის მუნიციპალიტეტის სოფლებში:
 - ა) ტერიტორიული კოეფიციენტი-0,9;
 - ბ) საბაზისო განაკვეთი 1 კვ.მ-ზე (ლარებში)- 0,24;
 - გ) წლიური განაკვეთი 1 კვ.მ-ზე (3 X 4)- 0,216;

მუხლი 7.

1) ქონების გადასახადისაგან გათავისუფლდეს:

- ა) საცხოვრებელ სახლებზე მიმაგრებული მიწის ნაკვეთები, რომლის ფართობი არ აღემატება 600 კვადრატულ მეტრს;
- ბ) ავტოფარეხებზე მიმაგრებული მიწის ნაკვეთები, რომლის ფართობი არ აღემატება 24 კვადრატულ მეტრს.

2. ამ მუხლის პირველი პუნქტით გათვალისწინებული ქონების გარდა, ქონების გადასახადისგან გათავისუფლებისას გამოიყენება საქართველოს საგადასახადო კოდექსის 206-ე მუხლი.

3. ქონების გადასახადის გამონგარიშებისა და გადახდის წესი, შესაბამისი დაბეგვრის ობიექტის მიხედვით ქონების გადასახადისაგან გათავისუფლებული ქონების სახეები დადგენილია საქართველოს საგადასახადო კოდექსის 205-ე და 206-ე მუხლებით.

საკრებულოს წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

საკრებულოს თავმჯდომარემ, ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა 27 საკრებულოს წევრი.

მომხრე საკრებულოს 27 წევრი, წინააღმდეგი არცერთი.

მიღებულ იქნა განკარგულება N10 (24.01.2020)

დღის წესრიგის მეცამეტე საკითხი: „ლანჩხუთის მუნიციპალიტეტის ტერიტორიაზე არსებული სახელმწიფო და ლანჩხუთის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე” ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის ეკონომიკისა და ქონების მართვის სამსახურის უფროსმა **გიორგი ნაჭყებამ**. მან აღნიშნა, რომ „სახელმწიფო და ადგილობრივი თვითმმართველი ერთეულის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის განსაზღვრის წესის დამტკიცების შესახებ“ საქართველოს პრეზიდენტის 2013 წლის 10 ოქტომბრის N784 ბრძანებულების პირველი მუხლის მე-2 პუნქტის შესაბამისად, მიწის ნორმატიულ ფასს საბაზრო ღირებულების გათვალისწინებით წელიწადში ერთხელ, არა უგვიანეს ყოველი წლის თებერვლისა, ადგენენ შესაბამისი ადგილობრივი თვითმმართველი ერთეულის წარმომადგენლობითი ორგანოები – საკრებულოები. საქართველოს ორგანული კანონის „ადგილობრივი თვითმმართველობის კოდექსი“ 24-ე ნაწილის „ე“ პუნქტის „ე-გ“ ქვეპუნქტის შესაბამისად კი საკრებულოს უფლებამოსილებას მიეკუთვნება საქართველოს მთავრობის მიერ დადგენილი წესით მუნიციპალიტეტის საკუთრებაში არსებული მიწის ნორმატიული ფასის დადგენა. აღნიშნულიდან გამომდინარე, ლანჩხუთის მუნიციპალიტეტის ტერიტორიაზე არსებული სახელმწიფო და ლანჩხუთის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასი განისაზღვრა შემდეგნაირად:

მუხლი 1.

სახელმწიფო და ლანჩხუთის მუნიციპალიტეტის საკუთრებაში არსებული არასასოფლო-სამეურნეო დანიშნულების 1 კვადრატული მეტრი მიწის ნორმატიული ფასი (შემდგომში „მიწის ნორმატიული ფასი“) გამოანგარიშდება შემდეგი ფორმულის მიხედვით: $CN = IMGX \cdot ITL \cdot X \cdot CX \cdot K$, სადაც:

1. CN არის ერთი კვადრატული მეტრი არასასოფლო-სამეურნეო დანიშნულების მიწის ნორმატიული ფასი;
2. IMG არის ქ. ლანჩხუთის მიკრომდებარეობის ინდექსი, რომელიც უდრის 0,38-ს;
3. ITL არის ლოკალური ტერიტორიული ინდექსი, რომელიც უდრის ერთს.;
4. C არის არასასოფლო-სამეურნეო დანიშნულების მიწის ერთ კვადრატულ მეტრზე დადგენილი საბაზისო განაკვეთი და მისი მნიშვნელობა უდრის 0,24 ლარს;
5. K არის მიწის ნორმატიული ფასის მარეგულირებელი კოეფიციენტი და მისი მნიშვნელობა შეადგენს 100;

მუხლი 2.

პირველი პუნქტის შესაბამისად, ქალაქ ლანჩხუთის მიწის ნორმატიული ფასი დადგინდეს შემდეგი სახით: $CN = 0,38 \cdot X1 \cdot X \cdot 0,24 \cdot X \cdot 100 = 9,12$.

მუხლი 3.

ლანჩხუთის მუნიციპალიტეტის ადმინისტრაციულ ერთეულებში მიწის ნორმატიული ფასი დადგენილია ქალაქ ლანჩხუთის დადგენილი ფასის 35%-ის ოდენობით და იგი შეადგენს 3,19 ლარს.

მუხლი 4.

ლანჩხუთის მუნიციპალიტეტის დასახლებათა შორის არეალებში მიწის ნორმატიული ფასი დადგენილია ქალაქ ლანჩხუთის დადგენილი ფასის 25%-ის ოდენობით და იგი შეადგენს 2,28 ლარს.

მუხლი 5.

სოფელ მალთაყვიდან მდინარე სეფისწყალამდე შავი ზღვის ნაპირიდან 500 მეტრის რადიუსში არსებულ დასახლებებში და დასახლებათა შორის არეალებში მიწის ნორმატიული ფასი განისაზღვროს ქალაქ ლანჩხუთის დადგენილი ფასის 100%-ის ოდენობით, რაც შეადგენს 9,12 ლარს. ამ შემთხვევაში არ გამოიყენება ამ წესის მე-3, მე-4 და მე-6 მუხლებით დადგენილი ნორმები.

მუხლი 6.

ლანჩხუთის მუნიციპალიტეტის დასახლებათა შორის არეალებში „საერთაშორისო და შიდასახელმწიფოებრივი მნიშვნელობის საავტომობილო გზების ნუსხის დამტკიცების შესახებ“ საქართველოს მთავრობის 2014 წლის 18 ივნისის №407 დადგენილებით განსაზღვრულ საერთაშორისო და შიდასახელმწიფოებრივი მნიშვნელობის საავტომობილო გზების 50 მეტრის რადიუსში (თითოეულ მხარეს), გარდა დანართის მე-2 და მე-5 პუნქტებით გათვალისწინებული ტერიტორიებისა, მიწის ნორმატიული ფასი განისაზღვროს ქ. ლანჩხუთში დადგენილი მიწის ნორმატიული ფასის 50%-ის ოდენობით და იგი შეადგენს 4,56 ლარს. ამ შემთხვევაში არ გამოიყენება ამ წესის მე-3–მე-5 მუხლებით დადგენილი ნორმები.

საკრებულოს წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

საკრებულოს თავმჯდომარემ, ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა 27 საკრებულოს წევრი.

მომხრე საკრებულოს 27 წევრი, წინააღმდეგი არცერთი.

მიღებულ იქნა განკარგულება N11 (24.01.2020)

დღის წესრიგის მეთოთხმეტე საკითხი: „ლანჩხუთის მუნიციპალიტეტის 2020 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 23 დეკემბრის N19 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ განკარგულების პროექტი სხდომას გააცნო მერიის საფინანსო-საბიუჯეტო სამსახურის უფროსმა **როლანდ ლაშხიამ**. მან განმარტა, რომ ზემოხსენებული დადგენილების მისაღებად საჭიროა ადმინისტრაციული წარმოების დაწყება, ამიტომ პროექტს თან ერთვის შესაბამისი განკარგულების პროექტიც, ხოლო ცვლილება განპირობებულია შემდეგი გარემოებებით:

საქართველოს მთავრობის მიმდინარე წლის 15 იანვრის N76 განკარგულების საფუძველზე 2019 წლის 18 დეკემბრის N2630 განკარგულებაში შესული ცვლილებების

მიხედვით „საქართველოს რეგიონებში განსახორციელებელი პროექტების ფონდიდან“ ლანჩხუთის მუნიციპალიტეტს გამოეყო 3941050 ლარი, თანადაფინანსებაზე მუნიციპალიტეტის ბიუჯეტიდან უნდა მიიმართოს 207620 ლარი ანუ ინფრასტრუქტურულ პროექტებზე მიიმართება 4148670 ლარი, აქედან ქალაქ ლანჩხუთში საფეხმავლო ბილიკების, გარე განათების და მიმდებარე ტერიტორიაზე მრავალბინიანი შენობების ფასადების რეაბილიტაციაზე 642025 ლარი, მათ შორის 610000 ლარი ფონდიდან გამოყოფილი, 32025 ლარი მუნიციპალიტეტის ბიუჯეტიდან. ქალაქ ლანჩხუთში 10 ქუჩაზე სანიაღვრე არხების მოწყობაზე 1189492 ლარი მათ შორის 1130017 ლარი ფონდიდან გამოყოფილი, 59925 ლარი მუნიციპალიტეტის ბიუჯეტიდან. ქალაქ ლანჩხუთში მრავალბინიანი სახლების სახურავების რეაბილიტაციაზე 254979 ლარი, მათ შორის 242230 ლარი ფონდიდან გამოყოფილი, მუნიციპალიტეტის ბიუჯეტიდან 12749 ლარი. ნიგოთის ადმინისტრაციულ ერთეულში ცენტრალურ მაგისტრალზე გარე განათების მოწყობაზე 142486 ლარი მათ შორის 135361 ლარი ფონდიდან გამოყოფილი, მუნიციპალიტეტის ბიუჯეტიდან 7125 ლარი. ლანჩხუთის მუნიციპალიტეტის ადმინისტრაციულ ერთეულებში შიდა სასოფლო გზების რეაბილიტაციაზე 1070556 ლარი, მათ შორის 1016768 ლარი ფონდიდან გამოყოფილი, მუნიციპალიტეტის ბიუჯეტიდან 53788 ლარი. საფეხბურთო აკადემიის მოედნის განათების და ეზოს კეთილმოწყობაზე 553342 ლარი, მათ შორის 506674 ლარი ფონდიდან გამოყოფილი, მუნიციპალიტეტის ბიუჯეტიდან 26668 ლარი. ლესის ადმინისტრაციულ ერთეულში წყალმომარაგების ქსელის რეაბილიტაციაზე 315790 ლარი, მათ შორის ფონდიდან გამოყოფილი 300000 ლარი, მუნიციპალიტეტის ბიუჯეტიდან 15790 ლარი. გვიმბალაურის, ღრმაღელის და სუფსის ადმინისტრაციულ ერთეულებში წყალმომარაგების სისტემის რეაბილიტაციაზე მუნიციპალიტეტის ბიუჯეტში არსებული ნაშთიდან უნდა მიიმართოს 260647 ლარი, მათ შორის ფონდიდან გამოყოფილი 214583 ლარი, მუნიციპალიტეტის ბიუჯეტიდან 46064 ლარი. ქალაქ ლანჩხუთში ჟორდანიას ქუჩაზე არსებული სტადიონის რეაბილიტაციაზე ბიუჯეტში არსებული ნაშთიდან უნდა მიიმართოს 82653 ლარი, მათ შორის ფონდიდან გამოყოფილი 80653 ლარი, მუნიციპალიტეტის ბიუჯეტიდან 2000 ლარი. საქართველოს მთავრობის 2019 წლის 20 სექტემბრის N2010 განკარგულებით განსახორციელებელი პროექტი (მაჩხვარეთის, შუხუთის, ჩიბათის, ნინოშვილის, ჩოჩხათის, ღრმაღელის, აცანის, ლესის, ჯურუყვეთის და ნიგვზიანის ადმინისტრაციულ ერთეულებში) ნაპირსამაგრის მოწყობაზე ბიუჯეტში არსებული ნაშთიდან უნდა მიიმართოს 3001 ლარი. მუნიციპალიტეტის მერიასა და შემსრულებელს შორის გაფორმებული ხელშეკრულებების თანახმად გარანტიის სახით დაკავებული თანხების დადგენილი წესით შემსრულებელზე ჩასარიცხად უნდა მიიმართოს ბიუჯეტში არსებული ნაშთიდან 35222 ლარი. მათ შორის 2018 წლის 17 აგვისტოს მთავრობის განკარგულებით სტიქიით განსახორციელებელი შიდა გზების რეაბილიტაციაზე 9476 ლარი, სპორტული ობიექტების რეაბილიტაციაზე 2177 ლარი, არსებული ნაშთიდან განათლების ობიექტების რეაბილიტაციაზე უნდა მიიმართოს 140180 ლარი. ტურიზმის განვითარების ხელშეწყობისათვის მუნიციპალიტეტის ბიუჯეტის ნაშთიდან თანადაფინანსებაზე უნდა მიიმართოს 7160 ლარი. ინფრასტრუქტურულ სამუშაოებზე გაწეული ზედამხედველობის ხარჯი ბიუჯეტის თავისუფალი ნაშთიდან უნდა მიიმართოს 60000 ლარი. ამასთანავე აღნიშნული პროექტების ბიუჯეტში ასახვის მიზნით უნდა დაიწყოს ადმინისტრაციული წარმოება.

საკრებულოს წევრი ელისო ჭიჭინაძემ აღნიშნა, რომ კარგი იქნებოდა ადმინისტრაციულ ერთეულებში შიდა გზების მოწესრიგებაზე გამოყოფილი 1200000 ლარი პროგრამაში ნაჩვენები ყოფილიყო ჩაშლილი სახით, ადმინისტრაციული ერთეულების მიხედვით. გარდა ამისა, საკრებულოს წევრი დაინტერესდა, რამდენად საკმარისი იქნებოდა ლესის ადმინისტრაციულ ერთეულში წყალმომარაგების ქსელის რეაბილიტაციაზე გამოყოფილი 350000 ლარი.

მერიის საფინანსო-საბიუჯეტო სამსახურის უფროსმა როლანდ ლაშხიაშვილმა განმარტა, რომ ლესის ადმინისტრაციულ ერთეულში წყალმომარაგების ქსელის რეაბილიტაცია შეიძლება იყოს გარდამავალი პროექტი, მაგრამ ამ ეტაპზე გამოყოფილია ის თანხა, რაც საჭიროა ამ პროექტით გათვალისწინებული სამუშაოების დასაფინანსებლად. მან აქვე აღნიშნა, რომ არ ჩათვლია საჭიროდ, ადმინისტრაციულ ერთეულებში შიდა გზების მოწესრიგებაზე გამოყოფილი თანხა პროგრამაში ნაჩვენები ყოფილიყო ჩაშლილი სახით ადმინისტრაციული ერთეულების მიხედვით, რადგან იწყება ადმინისტრაციული წარმოება და ამ საკითხს უფრო დეტალურად სხდომებზე განიხილავს კომისიები და ფრაქციები.

საკრებულოს წევრების მიერ დადგენილების პროექტთან დაკავშირებით სხვა შენიშვნები და წინადადებები არ გამოთქმულა.

საკრებულოს თავმჯდომარემ, ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა 27 საკრებულოს წევრი.

მომხრე საკრებულოს 27 წევრი, წინააღმდეგი არცერთი.

მიღებულ იქნა განკარგულება N12 (24.01.2020)

საკრებულოს თავმჯდომარემ, ბესიკ ტაბიძემ აღნიშნა, რომ სხვადასხვა საკითხების დასრულების შემდეგ სიტყვით გამოვა ინოვაციებისა და სამოქალაქო განვითარების ცენტრის „პროგრესის სახლის“ წარმომადგენელი მინდია სალუქვაძე, რომელიც ისაუბრებს ახალ პროექტზე - „გურიის ტურისტული პოტენციალის პოპულარიზაცია ევროპის ქვეყნების დამეგობრებული ქალაქების რესურსების გამოყენებით“.

სხვადასხვა საკითხები:

საკრებულოს ფრაქცია „ძალა ერთობაშია“ თავმჯდომარემ კახაბერ ასკურავამ აღნიშნა, რომ მერიის სივრცითი მოწყობისა და ინფრასტრუქტურის სამსახურის უფროსი ლევან ჩხაიძე და მერიის ზედამხედველობის სამსახურის უფროსი თენგიზ ხელაძე აღნიშნულ თანამდებობას იკავებენ 2013 წლიდან დღემდე და კორუფციაში დაადანაშაულა ისინი. მისი თქმით, არასრულფასოვნად არის შესრულებული მთელი რიგი ინფრასტრუქტურული პროექტები:

1. ლესის ადმინისტრაციულ ერთეულში წყალმომარაგების ქსელის რეაბილიტაციაზე 260 000 ლარი იყო გამოყოფილი გასულ წელს და 2020 წლისთვის კიდევ 350 000 ლარია გამოყოფილი იმიტომ, რომ პრობლემა არ არის მოგვარებული.

2. აკეთის ადმინისტრაციულ ერთეულში მაღალი ძაბვის ბოძებზე გარე განათების ნათურები კომპეტენტურ პირებთან კონსულტაციის გარეშე დაამონტაჟეს და საბოლოოდ ეს თანხები წყალში გადაყრილი აღმოჩნდა.

3. ჭყონაგორის ადმინისტრაციულ ერთეულში არ არსებობს სასაფლაოსთან მისასვლელი გზა და მიცვალებულს ვერ ასაფლავებენ.

4. სუფსის ადმინისტრაციულ ერთეულში სკვერი გააკეთეს მაშინ, როცა იმ წელს ბადის შენობა ჩამოინგრა.

5. ლანჩხუთში, წმინდა ნინოს ქუჩაზე გაბიონი ისე გაკეთდა, რომ ორი ოჯახი, რომელთა აშენება მილიონი დაჯდება, დანგრევისთვის არის გაწირული.

6. ლანჩხუთში, თავისუფლების ქუჩიდან მიცვალებული ვერ გამოასვენეს, სანამ ოზურგეთიდან არ ჩამოიტანეს ხრეში გზის მოსაწესრიგებლად.

საკრებულოს ფრაქცია „ძალა ერთობაშია“ თავმჯდომარე დაინტერესდა, ამ ყველაფრის ფონზე, რის ზედამხედველობას ახდენს ზედამხედველობის სამსახური და რატომ დარჩა 600000 ლარი ინფრასტრუქტურის სამსახურს გაუხარჯავი. ის აქვე დაინტერესდა, ვისზე და რის საფუძველზე გასცა მერმა 40 000 ლარის ჯილდო და დანამატი. ასევე, არიან თუ არა ამ სიაში ზემოხსენებული სამსახურების უფროსები.

საკრებულოს ფრაქცია „ძალა ერთობაშია“ თავმჯდომარემ **კახაბერ ასკურავამ** მუნიციპალიტეტის მერს მოსთხოვა გაათავისუფლოს დაკავებული თანამდებობებიდან ლევან ჩხაიძე და თენგიზ ხელაძე, წინააღმდეგ შემთხვევაში მუნიციპალიტეტის მერმა საკუთარ თავზე აიღოს პასუხისმგებლობა, რასაც დაეთანხმა ფრაქცია „ძალა ერთობაშია“-ს წევრი **ლელა ჩახვაძე**.

მერიის სივრცითი მოწყობისა და ინფრასტრუქტურის სამსახურის უფროსმა **ლევან ჩხაიძემ** განმარტა, რომ ყველა პროექტმა, რომელიც განახორციელა ზემოხსენებულმა სამსახურმა, საკრებულოში გაიარა საჭირო ეტაპები და იქნა მოწონებული. მან აღნიშნა, რომ ეს ყველაფერი არის უსაფუძვლო ბრალდება, საკრებულოს ფრაქცია „ძალა ერთობაშია“ თავმჯდომარე **კახაბერ ასკურავა** აჟიტირებულია ტელევიზიის კამერების გამო და სურს თავის გამოჩენა.

საკრებულოს ფრაქცია „ქართული ოცნება-მწვანეები“-ს თავმჯდომარემ **ზაზა წულაძემ** აღნიშნა, რომ სოფლებში: ნიგოთი, ქვიანი, ჯაპანა და ჭყონაგორა, დაწყებული ინფრასტრუქტურული პროექტები დასასრულებელია. არსებული პრობლემების შესახებ ინფორმირებულია მუნიციპალიტეტის მერი, ასევე, მერიის სივრცითი მოწყობისა და ინფრასტრუქტურის სამსახური და საკითხი მოგვარდება უმოკლეს ვადებში.

საკრებულოს ფრაქცია „ქართული ოცნება-მწვანეები“-ს თავმჯდომარე გარდა ამისა, დაინტერესდა, შიდა გზების მოწესრიგებაზე გამოყოფილი 1200000 ლარიან პროგრამაში, რომელი ადმინისტრაციული ერთეულები იგულისხმება.

მერიის სივრცითი მოწყობისა და ინფრასტრუქტურის სამსახურის უფროსმა **ლევან ჩხაიძემ** განმარტა, რომ ამ პროგრამით მოხდება მამათის, შუხუთის, მაჩხვარეთის, ჩიბათის, გვიმბალაურის, ლესის, ნინოშვილის და ჩოჩხათის ადმინისტრაციულ ერთეულებში შიდა გზების მოწესრიგება.

ქალაქის მაჟორიტარმა დეპუტატმა **კარლო კვიციანიშვილმა** აღნიშნა, რომ წმინდა ნინოს ქუჩაზე გაკეთებული გაბიონი მან მუნიციპალიტეტის მერთან და მერის თანაშემწესთან ერთად მოინახულა, პროექტი გაკეთებულია და უმოკლეს ვადებში მოხდება ამ პრობლემის აღმოფხვრა.

მუნიციპალიტეტის საკრებულოს სოციალურ საკითხთა, განათლების, კულტურისა და ახალგაზრდულ საქმეთა კომისიის თავმჯდომარემ **ემზარ თევდორაძემ** ითხოვა, რომ სტიქიის თანხების განაწილების პროცესში მაჟორიტარი დეპუტატები იყვნენ ჩართულები და სოფლის პროგრამებში პრიორიტეტების განსაზღვრის დროს მოსახლეობის აზრი მაქსიმალურად იყოს გათვალისწინებული.

სხვადასხვა საკითხების დასრულების შემდეგ საკრებულოს თავმჯდომარემ, **ბესიკ ტაბიძემ** სიტყვა გადასცა ინოვაციებისა და სამოქალაქო განვითარების ცენტრის „პროგრესის სახლის“ წარმომადგენელს **მინდია სალუქვაძეს**, რომელმაც დამსწრე საზოგადოებას გააცნო ახალი პროექტი—„გურიის ტურისტული პოტენციალის პოპულარიზაცია ევროპის ქვეყნების დამეგობრებულ ქალაქების რესურსების გამოყენებით“. მისი განმარტებით, პროექტი მიზნად ისახავს ადგილობრივი ეკონომიკური განვითარების სტიმულირებას ლანჩხუთის და ჩოხატაურის მუნიციპალიტეტების ტურისტული პოტენციალის პოპულარიზაციით, ტურიზმის სფეროში ჩართული მოსახლეობის უნარების განვითარებით. ასევე, ადგილობრივი და ევროპის ქვეყნების დამეგობრებული ქალაქების რესურსების გამოყენებით. **მინდია სალუქვაძემ** აღნიშნა, რომ ძირითადი საქმიანობები სამი მიმართულებით წარიმართება: ტურიზმის სფეროში ჩართული 215 ადამიანის (ადგილობრივი მოსახლეობა) უნარების განვითარება, ტრენინგებისა და მასტერკლასების საშუალებით; ლანჩხუთის და ჩოხატაურის მუნიციპალიტეტების ტურისტული პოტენციალის პოპულარიზაციისთვის საინფორმაციო ტურის მოწყობა ევროპის ქვეყნების დამეგობრებულ ქალაქების მედიის 9 წარმომადგენელთათვის; გურიის ტურიზმის სფეროში დასაქმებული 9 ადამიანის საინფორმაციო ვიზიტი დამეგობრებულ ქალაქებში, გამოცდილების მისაღებად და მარკეტინგული კამპანია კონკრეტული შეთავაზებების საპრეზენტაციოდ.

ამით საკრებულოს სხდომამ მუშაობა დაასრულა.

ბესიკ ტაბიძე

საკრებულოს თავმჯდომარე
ლანჩხუთის მუნიციპალიტეტის საკრებულო



